




期二零百一第

前墩保三哇爪
處舟沉人華



爪哇三保墩前
華人社區

華人社區

行發日一十二月一年三十國民

THE OVERSEAS CHINESE TENTHLY

●僑務旬刊第一百〇二期目錄

通論

論華僑之禁烟運動

通信

馬來半島之華僑禁烟運動 紀三寶壟三保

太監沈舟遊古跡

三馬林達華僑歸國旅行團之集議

荷屬昂納僑況

法國與暹羅商務 本社留言

文藝

(小說)南洋客裔之英傳 猴伴

僑務新聞

(啟事類)荷澳務司對華僑教員入口

之表示 坎屬以排華運動選舉 荷屬允許江亢虎入

境 國內外反對農商部證書費 菲律賓新頒禁烟

口禁令(經濟類)菲律賓禁止中國水果入口之交涉

爪哇之農作 海峽殖民地錫市 庇能星洲膠業與選

羅南方之關係 緬滇通商情形之調查(僑工類)日里

大批華工反商 緬甸中華工黨分部恢復 南洋樹膠

閩華工生活概況 (教育類)荷屬教育會恢復問題

緬甸土生華僑與學 荷報責備留政不注重華僑教

育 (雜事類)七洲府問局函致教額限額之增加

英屬郵票變更形式 加彭改用郵電地名 南洋名

人集傳出世 新幾內亞一部份概況 美區移民報告

荷蘭法學博士法郎麥勒之哀思

附錄

蘭印經濟現狀與限制移民政策 澳洲之移

民計畫 南僑婦女在家庭中的地位

●本社分部及分銷處代理處一覽表

覽表

- (甲)海外分部 一北婆羅洲亞庇自生公司 二爪哇北加浪岸慶秀冬君 三檳榔嶼三馬林達亞啓明君 四吉隆坡南亞公司 五芝加哥工商日報營業部
- (乙)分銷處 一上海商務印書館 二廣州共和書局 三北京新知書社
- (丙)代理處 (1)檳榔嶼誠書局徐洋澄先生(2)霹靂州金寶埠公源號陳遠初先生 (3)雪蘭莪州加影埠商公館劉錫麟先生 (4)檳榔嶼州掛羅庇勞埠林彰裕號林光挺先生 (5)彭亨州文冬埠賴泰號陳相先生 (6)英領馬六甲泉合棧賴家清先生 (7)霹靂安順埠林采仁先生 (8)緬甸仰光日報(9)霹靂太平埠保珍牧師 (10)暹羅宋卡徐洲先生 (11)英屬雪蘭莪州怡保埠毛璋萬格號葉振民先生 (12)英屬雪蘭莪州怡保埠黃盛德號林子明先生 (13)英屬雪蘭莪州怡保埠光先生 (14)英屬雪蘭莪州怡保埠李慶棟先生 (15)英屬雪蘭莪州怡保埠書先生

◎僑界諸君 遠在國外 苦心孤

詣 經營工商各業 所恃者

熱血與健全之身體

◎人造自來血 其功用能補血強

身 務願供獻為 僑界諸君之

一助

人造自來血... 功用能補血強身... 僑界諸君之... 一助... 上海四馬路五洲大藥房謹啓

華北公司預約披露佈

吾國商人之時海外。其處飲食。多蒙歐美

相。近本公司不惜經費。在中國之北。部天

津。日本。海。關。稅。務。公。司。內。分。三。家。

▲一、商。務。公。司。各。國。出。口。本。國。土。產。國。貨。

搜。羅。廣。大。不。備。▲二、商。務。公。司。各。國

國。大。內。分。商。務。公。司。各。國。出。口。本。國。土。產。國。貨。

西。大。內。分。商。務。公。司。各。國。出。口。本。國。土。產。國。貨。

▲三、商。務。公。司。各。國。出。口。本。國。土。產。國。貨。

搜。羅。廣。大。不。備。▲二、商。務。公。司。各。國

國。大。內。分。商。務。公。司。各。國。出。口。本。國。土。產。國。貨。


西。大。內。分。商。務。公。司。各。國。出。口。本。國。土。產。國。貨。

▲三、商。務。公。司。各。國。出。口。本。國。土。產。國。貨。

搜。羅。廣。大。不。備。▲二、商。務。公。司。各。國

天津華北實業公司謹啓

通 論



THE OVERSEAS CHINESE TENTHLY

北京總社在宣
 武門內頭髮胡
 同第二十七號
 No. 27 Kwang Yu Li
 Tao Fua Hu Tung
 Inside Shuan Wu Man
 Peking. China
 總社在海寧路
 西一七六九號
 一三五商店內

特 告

●本刊第三周年紀念預告

本年四月一日為本刊第三周年紀念之期。敬請海內外僑胞名人惠賜祝詞及各種僑務論文通信小說等等。以光篇幅。並乞將遠之屬。于三月十五日以前付郵為盼。
 海鳴謹啟

僑 通 論

●論華僑之禁煙運動

鳴

英國四州府華僑團體。近各舉代表。向居留政府之參政司請願。從嚴禁煙。以清積毒。並聯合各團體。為禁煙之運動。夫鴉片之為害。人能道之。小則害身大而害種。其在海外。以華人獨嗜。故特呈其黎黑憔悴之容。以示人。為人譏笑。兼以辱國。其禁之也宜矣。且夫華僑之住

僑務第一日〇二期

海外也。歷盡辛勤。備嘗艱苦。開闢草萊。棄夫工商。所以謀一身一人之發展者。即以謀國一族一向外發展也。歷年以來。國人念夫世界各國之民族。競謀經濟之對外侵略。其在吾國。惟吾僑能之。乃爭以是舉為吾僑之榮光。名譽既立。責任隨之。既膺重肩。宜求猛督。庶足以副國人之望。而符此光榮之名實也。現時經濟戰爭。各尚知力。日益激烈。切吾僑兢兢業業。從事舊門。尚恐少有闕越。致敗令名。奈何仍循故陋。沾染烟毒。以自挫其戰鬥之精神。自墮其固有之聲譽乎。故吾僑為一己計。為國家計。為種族計。均有亟亟戒烟之必要。固不待乎禁而後戒也。惟以僑中教育尚未普及之故。或尚有不明利害者。留戀於此。尚未憬悟。則禁勸之事。要亦至重。惟禁勸既出於自動。則請願於參政司。藉外人政府之力。以督促實效者。實不若吾僑社團自行發起羣衆運動。自行勸戒之為愈。蓋政府設禁。不過一種良好政治之表現。吾僑自禁。乃羣衆運動之刷新。吾嘗主張華僑三自主義。凡所謂自覺自治者。無不重在一

自字。吾僑既自覺吸烟之非。則互相勸戒。毋待居留政府之禁與不禁。而吾僑自有團結之力。能禁之而勿遺。是即為自治之一事項。是即為羣衆運動之一成績。推闡而言。此一事能由吾僑羣衆運動之力自行禁絕。毋須得何種官家勢之補助。則將來凡為吾僑所已覺醒之事項。所公認以為必須改善或必須實施者。皆能以此種羣衆運動之力。自改善而自實施之。則一切自治問題中之事項。殆不難悉依此種成例而一一達其圓滿之目的。於是每改善一事或實施一事。無不為吾僑自身之榮光。而直臻於完全自治之域。是則戒烟之事。雖小而吾僑自治之工作。乃以此為起點。為始基焉。則誠有可以紀念之價值矣。故吾今日言吾僑之禁烟。而於其下緊綴「羣衆運動」四字。望吾僑於憬然知曉鴉片當禁以外。並特別重視此羣衆運動四字神聖光明之意義。此後不拘禁烟。或欲更作何事。皆每念不忘此羣衆運動。則吾之三自主義。必有實現之一日。

通 信

●馬來半島之華僑禁烟運動

巴雙興周榮寄

▲雪蘭莪戒烟社之原起事略

自雪蘭莪振武戒烟社諸君繼起向居留政府請願禁鴉片以來。各埠同僑對於禁烟輿論。莫不異常注意。茲怡保劉業興先生。寄來雪蘭莪戒烟之原起二文。特表而出之。以資研究。當一千九百零四年。中英禁烟條約成立。有有限十年禁絕鴉片之條文傳佈後。我海外同僑聞而興起。思有以爲同胞除毒害。而爲政府之助力者。於是南洋各埠羣起而有戒烟社之組織。首先成立則爲星加坡。其內容辦法。爲設立一醫院式之留戒所。凡受烟患之僑胞。可報名入所。依法戒斷。方得出所。所中除設備戒烟丸藥外。所有居住飲食。一應供足。不受分文。法固良善。第以曾染烟

通 信

癖之人。性質萎靡。意以爲入所或受強戒。故多觀望不前。入院人數寥寥無幾。結果竟無優異成績。爾時吉隆坡同僑欲仿照辦法。發起大會議於商務總會。繼以照此辦法。需款自必浩繁。誠恐事難爲繼。是以會議竟無結果。後至芙蓉廣生號採得一中興樹。原該樹之所以名中興樹。及其所發明之原因。與雪蘭莪戒烟社有莫大之關係。不可不爲之縷述焉。緣廣生號有染烟癮甚深之工伴。入山工作。適烟膏缺乏。於萬般苦惱無可爲計之中。聊折樹葉加入烟灰煎水。冀解煩荷。初不知其卽爲戒烟之妙品也。至是只飲此水。覺如吸足烟力。已能工作如常。比及工務既畢。烟癖遂斷。及返芙蓉。卽以煎吸所餘之樹葉。爲廣生號之類兒。君陳說原委。並爲之廣致其樹。煎水施贈。時有楊君國民者。因事在芙蓉。聞其事。親到廣生號細心研究。蒙朱君指說詳盡。並贈以該樹一束。携返吉隆。青年益賽會。有傳道牧師江君耀祥。照法煎水。煎得二瓶。分贈於潘君。雪雪所經營之全泰鞋舖二鞋匠。不旬日而竟將烟癖戒

僑務第一〇二期

絕淨盡。一時風聲所播。傳遍遐邇。乃廣爲搜集。煎水施贈。是時除青年益賽會施贈之外。尙有謝君少銘設施贈處於廣肇會館。朱君晴溪設施贈處於府上。戒烟聲浪。風起雲湧。黑籍中人。莫不有一日戒絕之概。所有玻璃酒罐。一時爲之絕市。考此樹式樣。類似唐山之龍眼樹。枝葉生長爲對面式。其生產不止一方面。卽吉隆坡所屬。亦所在多有。製法則將其枝葉剪碎。炒至焦黑。鋪至地上。至一宵之久。俾少殺燥烈火氣。然後用水煎四五點鐘。便可適用。至其服食之法。須以其人所需分量之烟膏。熬成烟泡。加入戒烟水內。每次服食若干杯。雖樹癭最深之人。只服二罇。卽能完全戒斷。後來有人謂此烟性質至寒。恐不能合於多數人之腸胃。乃加入煨薑皮同煎。功效尤爲神速。此樹本無其名。以其能愈烟患而斷烟癖。不啻生死人而肉白骨。誠有中興再造之功。故以中興名之云。

▲四州府禁烟代表大會議及晉謁四州府總參政司之詳情

吉隆益羣報載。近來四州府僑衆對於禁烟運動。進行不遺餘力。自陸秋泰葉大池君等往叻與羅昌君協商發電回國請設法剷除烟苗後。卽行回隆。復假座商務總會開四州府全體禁烟代表會議。列席者雪蘭莪代表陸秋泰葉大池二君及西人荷理牧師。霹靂代表符華成余慶林兩君。彭亨代表陳泰華君。芙蓉代表黃益堂林森茂兩君。此次會議。曾議決請願四州府總參政司選任禁烟代表一人。加入政府公共衛生教育局之委員中。以便共同討論一節。且議決向總參政司詢問最近政府擬組織之鴉片烟委員會之範圍。並議決於近日內召集一七州府各公共團體之聯席會議。使全體華僑同時協助進行。得以早奏膚功。會議日期。則由本處禁烟會定之。是日會議畢。各代表聯袂往謁總參政司晤談。總參政司接見代表團時。略向該團致其應召而至之謝意後。卽發言云。此次所以召見之原因。因有數點。甚願該團能爲之詳盡解釋。卽此時禁烟會之目的。係在禁絕鴉片之用途。抑係反對鴉

片供給之量額過鉅。此二者之性質。完全不同。若保反對

現時鴉片供給量額過鉅之不當。則鄙意無論何人皆表同情。若保請求禁絕鴉片之用途。則各方意見當有不同。若禁烟會能將其目的確切表明。則彼可知政府應爲助力之所在也。復意在仿效馬來熱帶勸告局之辦法。設法訓導人民。俾知吸食鴉片之害。且可於政府醫院中。另立一種醫室。以爲戒煙者治療之所。當地各報所載一種禁烟草類。送交若干至斯特頓醫生處分析。以便配製吸食。禁烟會且可舉代表一人。參與公共衛生教育局之委員會中。協商一切禁煙之辦法。至由政府特訂法律以行禁煙之提議。則恐難實行。或因以不能達禁煙之目的。況政府須任命大批職員。以辦理吸烟者註冊之事。亦不易即時舉行者也。最近政府已選任羅德勒氏爲主席。組織一委員會。專行考察鴉片之問題。他日該委員會自將向諸君詢問一切。以備採擇也。至該委員會之範圍。彼尙不知其詳。但關於吸烟者註冊一問題。則將必詳爲之討論無疑

通 信

也云。

▲雪蘭我振武戒烟社徵文

雪蘭我振武戒烟社諸君子。對於勸人戒吸鴉片一事。積極進行。不遺餘力。近擬徵文。以示宣傳。而資警惕。亦可見諸君子對於戒烟之熱心矣。茲將其徵文公啓。照錄於下。啟云。天下害人最鉅。貽禍最烈者。莫若鴉片。若形銷骨立。面無人色。舉動遲滯。有如土木。則傷於身。破產傾家。流爲乞丐。妻孥無告。啼饑號寒。則害於家。購入之價。超過絲茶之所出。洪水猛獸。毒痛神州。則損於國。腦筋乾縮。人格喪亡。血統流傳。子孫孱弱。則害於種。準此而談。舉天下害人之物。兼傷身害家弱國亡種之鉅禍者。當以鴉片爲巨孽矣。當日本維新之始。與各友邦締結煙約。首嚴是禁。所以國勢駸駸日上。強甲東亞。我國被鴉片之禍。將近百年。先覺之士。亦經竭力提倡禁絕。徒以干戈擾攘。國無甯日。雖十年禁絕之約。今已逾期。祇因未能統一之故。以致未得履行。本埠同僑深恐煙患劇烈。曾稟請居留政府迅予禁

僑 務 第 一 百 〇 二 期

絕。因有諸多困難問題。一時未能解決。尙未獲執行。本社
 今欲積極進行。設法勸人禁煙。以符本社宗旨。惟本社同
 人。對於烟毒之智識有限。不得不求助他山。茲特在益羣
 報上買一篇幅徵文。勸人除戒。凡我同僑。有與本社宗旨
 相同者。伏望莫我遐棄。時賜教言。凡有戒烟之事實。或有
 戒烟之方法。乞揮椽筆。明白書來。白話文言。不拘體例。謳
 詩什著。尤所歡迎。一經收到。當登諸此欄。俾資警惕。懸秦
 宮之鏡。魍魅現形。鑄夏王之鼎。奸邪畢露。庶黑籍僑胞。聞
 風興起。早登彼岸。共慶康寧。誠如是。豈特吾人之幸。亦我
 國家之光也。此啓。倘惠鴻篇。請直交羅耶街益羣報編輯
 部。書明戒烟徵文便合。

▲雪蘭莪振武善社致羅總領事論禁鴉片烟書

雪蘭莪勸戒鴉片振武善社。自恢復以來。對於勸人戒烟
 之事。積極進行。日前曾呈請居留政府。准予嚴禁。以免遺
 毒僑民。詎奉覆文。未能允准。其原因由於我國烟苗種植
 尙多。是以南島一隅。未能驟行禁止。該社乃致書於本坡

羅總領事。請其代請我國各省當局。決將各地烟苗。立予
 禁絕。以便該社再向居留政府。作第二次之請求。務達禁
 絕烟苗之目的。茲將該社致羅總領事之書錄下。星嘉坡
 總領事鈞鑒。溯自洋烟遺禍。貽害邦家。弊等沉痾。良用惕
 焉。同人立願勸戒。因有雪蘭莪振武善社之組合。原欲敦
 勉僑胞。戒除斯患。成立以來。受勸戒吸者。固不乏人。自甘
 罹厄者。尤有餘衆。竊維長此以往。誠難絕其根株。禍水仍
 流。曷其有極。同人等欲斷禍藤。乃呈請居留政府。准予嚴
 杜。以免遺毒。刻奉覆文。有云我國烟苗種植尙多。南島一
 隅。未能驟禁云云。同人奉諭之下。深滋惶愧。已不自振。徒
 巧諸鄰。豈惟無裨事功。抑亦未符手續。卽斯自悟。未免溢
 求。第念大患終留。難安淇視。寅維先生扶掖僑人。造福有
 衆。素所欽佩。謹將請願當地政府呈文。及府憲示覆公文。
 彙呈鑒核。並請代請我國各省憲。速將各地烟種。迅予禁
 種。俾於居留政府。作再次之請求。使烟患不復再存。僑人
 永綢慘毒。則拯溺之德。同僑當感戴勿忘。云云。

▲多數著名華僑徵求禁煙妥善辦法

有多數著名華僑。徵求禁煙妥善辦法啟事曰。鴉片之害。人所共和。鴉片之禁。人所共聞。因其害而思禁。立法固不可不嚴。惟即禁以除害。行法尤不可不慎。政府眷顧商埠。關心民瘼。特派調查鴉片委員會。提議三大綱。甲、零沽之熟膏。限由政府批准之烟店發售。乙、沽售烟膏之額。須按照華僑成丁之人數。規定一種畫一之至多限量。丙、凡吸烟者。須注册及領執照。以上問題。早經刊佈。徵集公意。便於採納。雖無明言示禁。而隱寓禁制之意。即在其中。調查本坡法團。若參事局。若華商會。皆有表示意見。同人等深感政府虛衷應物。以民意為依歸。誠千載一時之機會。爰訂十二月十九號假座中華總商會。再開華僑特別大會覆核。以上三問題。廣集眾僑胞之盛意。為妥善之辦法。所望羣賢畢至。各抒偉論。俾得條陳政府。切實施行。謹此通佈。提議者陳嘉庚陳開國藍偉烈湯湘霖吳勝鵬劉登鼎等。

▲巴生代表在禁煙委員會中陳述之意見

此次政府。因當地同僑禁煙運動。特選任一禁煙委員會。專行考察。以籌備畫戒禁之方。該委員會已在本坡財政局樓上開會。華人方面。除林君義順陳君起精由坡督任為委員外。各地華僑。皆代表蒞會。陳述意見。雪蘭峨振武禁煙善社。曾派陸君秋泰陳君胞德代表至會。報告現時華僑吃食鴉片之實況。及將來所以謹戒斷之方法。茲將陳君胞德英文原稿撮譯於次。鄙人對於鴉片問題。素喜研究。自一九零七年政府選任第一次委員會考察此邦鴉片狀況後。其時當地華僑各團體。即組織一禁煙會社。名曰振武禁煙善社。以期協助政府禁煙之進行。鄙人亦即於其時為該禁煙會社會員之一。此次蒙雪蘭峨振武禁煙善社舉為代表。至貴委員會陳述意見。特將所欲陳者約為五項。列舉於次。伏祈鑒核是幸。(一)甲、時鴉片、貿易之狀況。及華人所受之損害。考英屬馬來之鴉片輸入貿易。至近年來始大形發達。自一八一九年至佛士爵

備 務 第 一 百 〇 二 期

士建立新嘉坡新殖民地後。其時承包鴉片之店肆。每月應納之稅額。雖及百元。而至現時。據鄙人所知。則即以巴生港口對岸之浮羅山淡小島爲例。該島居民。多營漁業。而其取得承包鴉片之權利者。每月應向政府鴉片專賣局繳納餉額。四百元之鉅。然即此數。尙不敢必其入選。因往往尙有其他之承包者。能呈繳更大之餉額也。三十年前。生烟大塊之重量四十兩者。僅售二十元。熟烟每兩裝入罐中者。僅售九角。現時則熟膏每兩售至十二元。三分包售至四角。而在三十年前之三分包。則僅售三角。現時政府收回烟灰之價格。每兩四元五角。較承包時代熟膏之價格。實貴百分之五十。自新嘉坡及其他殖民地與馬來聯邦等歸英政府轄制以後。每年政府因承包鴉片所獲之歲入。爲額自屬甚大。而直至一九零九年止。其久居此間之華僑。因承包鴉片致鉅富者。實繁有徒。後政府將鴉片承包制取消。改由政府專賣。於是烟價驟增。一切生活程度。因之大漲。各類工價。自亦須與之同等增進。而

後可維持其吞雲吐霧之生活。蓋以普通衣食之費用。衡之。工價決不能增漲若此。其高且速也。是政府改承包爲專賣。實無異取魚於沸鼎之中。而轉以投擲於烈火之內也。(二)政府因禁烟。所失歲入之彌補。十數年前。政府因欲圖歲入之增加。以資警察經費之彌補。於是乃將烟鴉片賭酒三者。招人承包。藉獲確切之收入。然華人對此政策。意見頗有不同。因華人除酒一項嗜好者尙少。外。至烟賭惡習。染之者幾全屬華人。彼輩實貴光陰。因以盡虛擲於烟館娼寮酒樓俱樂部及其他苦力公共聚集地點之中。嬉遊淫佚。無所事事。此其最大原因。則一以政府無戶外運動場所之設備。以供居民之遊息。一以家庭教育之不良。不能鼓勵其子弟戶外運動之興趣。於是彼輩心神無所歸宿。而羣趨於烟賭一途。以來精神上之安慰。詎知其最終結果。竟致亡身敗家。而遺害至於無極也。苟政府對於鴉片。能一如酒類之逐漸減少。而終以謀其禁絕。則鄙人深信。此間工人僕役等。今後工作。必可較前增

進。私人儲蓄。必可較前爲易。能在雇主方面之所獲者。亦必較前爲大。個人事業。既易成功。則政府正可與他項稅源以謀歲入之增加。而納稅者因感政府關懷民瘼。剷除烟害。復以自身經濟力之增進。自必樂輸他稅以彌補之。而無所怨讟也。總之。戒絕煙禍之無損於政府。正如以肥瘠二馬之同耘一田。其收穫之多寡。自不待智者而知所決擇者也。(三)鴉片問題。與世界和平。華人所以中烟毒者。是其深且痼者。實以鴉片之生產售賣。全無限制。而隨地隨時。無不有吃食之機會所致。此等便利情形。尤以此邦爲甚。近來由輪船搭客偷運嗎啡鴉片至澳洲及英美各埠者。時有所聞。各國報章。亦時有紀載。而莫不極力攻擊之。此固可見世界人類對於此甚於洪水猛獸之煙禍。皆異口同聲。以求其早日禁絕。而今日全世界之和平。純在一國能犧牲其私利。以謀其他各國之公利。此則正如十六年前之現象。世界和平問題。實與鴉片問題有密切之關係者也。蓋現時非英國政府(政府在內印度)

對於鴉片之生產與消費。能行嚴勵之取締。則烟毒必將蔓延於華人以外之其他民族。而華人以沈淪黑籍國勢不振。已致引起國際間神種之紛糾。若更增益其他民族之傳染烟癖。則世界和平。必將絕望。故鄙人甚望貴委員會討論此重大問題時。能具遠大之眼光。慎毋負吾輩青年華僑之呼籲與同情也。(四)烟禍一旦禁絕。則勞資二方。皆受裨益。華籍工人。素號勤儉忠實。徒以傳染烟癖。致身體上道德上。皆日益退化。其結果不獨工作效能低減。且種種作奸犯科之事。皆由此出。於是一切事業。無與發展。此在勞工個人。固直接蒙其莫大之損害。而雇主由政府間接所蒙之喪害。正亦與之相等也。今若能將烟禍勵行禁絕。則工人以吸烟時間之節省。工作時間。自可加長。各類產額。自可增進。而以身體精神等之復元。工作效能。自亦必非復前此之微弱可比。此於雇主直接之利益。爲何如。于政府間接之利益。爲何如。而工人以無烟癖。故所入血汗之資。皆可儲集。以爲開發他項事業之用。則社

僑 務 第 一 百 〇 二 期

會中如階級戰爭等之紛擾。皆可因之以息。而可漸躋於和平愉快之域。此於人類全體之幸福。又爲何如。(五)禁烟之辦法。上舉各節。不過述烟禍爲害之烈。及其禁絕之利益。茲再舉禁烟之辦法五則于下。以備貴委員會之採擇。(甲)發給執照。以後鴉片貿易與熟膏零售等。須全由政府於現時各主要城市中設立之官膏局行之。必使轄制。每局須增設註冊官一人。凡吸食鴉片者。須至局註冊。由政府給予執照。方可購烟。該註冊須具按照中食量遞減之權。以使鴉片消費之量。逐漸減少。此等執照。須年換一次。(乙)註冊手續。凡吸烟者註冊時。須具書面呈請政府。將其姓名年歲職業住址吸烟之理由與吸烟之時期等。詳盡填註。而此等呈請書。須由素不吸烟者一人介紹。或直接呈交官膏局註冊官處。或由各註冊之社團俱樂部等轉致亦可。(丙)鼓勵戶外運動。鴉片既經戒禁。則各人於工作之餘。必有一種戶外遊戲。以謀其精神上之安慰而後可。此各俱樂部與屋主等所宜設備一

種戶外及其他消遣方法。以免彼禁絕於烟者。將復流於其他罪惡之途也。至戶外運動所需之地址與經費。則或由政府供給之。或由華人社會捐助之。(丁)減少烟之供給。吾人既一方圖此邦吸烟者之戒斷。但一方復宜極力設法。使中國印度種烟之量減少。及使輸入馬來各地之烟量不得超過吸食者與醫生製藥應用者之額。凡有以嗎啡爲鴉片之代者。即處以嚴重之科罰。務使烟之來源。日益減少。則烟禍當不絕自絕。(戊)限制吸烟場所。凡車夫苦力等之公共住所。旅店公寓酒樓妓館及其他之公共場所。而易爲政府當局所察視者。皆須嚴禁開燈。使僅能於各人之住家內吸食。若有禁烟良方。則宜由政府出資備製。分給各華人註冊之社團俱樂部等轉發。免收藥資。使貧苦者得以早日由藥戒斷。

▲鴉片委員之委定

新加坡正式之通告稱。坡督已委定一委員會。擔任調查及報告海峽殖民地馬來聯邦所備鴉片之用途。及現行管

理鴉片用途之種種辦法。是否有需增加管理之處。茲將該委員會會員之姓名錄之如下。鮑德納氏（主席）葛羅威氏。賢泗陳君傑爾夫氏。林義順氏。麥克倫氏云。

▲新加坡羅領事之意見

新加坡中國領事羅昌。于日前與雪蘭莪禁烟會代表會議磋商派遣代表請求中國政府禁絕鴉片之後。對自由西報訪員云。須組織一隊查稅人員。為提防由中國來南洋之鴉片。並謂若欲除絕此害。必須外國政府及人民能為中國之勳助。如各外國可以輔助不輸多量鴉片入中國。則自可完全絕跡。

▲叻報記者禁烟問題之意見

自雪蘭莪振武戒烟社諸君子極力運動禁烟。向四州府總參政司請願協助進行以後。首先響應者為怡保華僑。森美蘭彭亨二州之同僑。亦相率繼起。於是四州府僑界禁烟代表曾假座雪蘭莪中華總商會開四州府全體禁烟代表會議。討論進行方法。而叻地當局。因我華僑有禁

烟之運動。乃有禁烟委員會之組織。對於鴉片問題。將作詳盡之考察。以備籌畫禁絕之進行。是禁烟問題。已由運動時期。而漸進於實施時期。倘我七州府全體華僑。能急起直追。盡力協助。則此喪身亡家敗國滅種四惡俱備之烟毒。當不難根本剷除也。本報對於此事消息。登載特詳。且迭次為之論列。原冀引起同僑各公團體之注意。速謀協助之方。庶烟禍終有撲滅之一日。而吾人亦不致有甘居人後之誚也。惟前者立論。不過具勸告性質。至關於禁烟之實際辦法。則未嘗有所表示。茲試就吾人之管見所及。特臚述於次。以備當地政府與禁烟委員會及全體華僑之採擇。（一）屬於政府方面者。（分甲乙丙丁四項）（甲）調查戶口。上次本報所載當地政府令禁烟委員會宜將政府現擬施行之辦法。詳盡考察。報告當局。以備採擇一節。其第二條有云。「按照華僑成年人之數額。關於售烟用於吃食烟膏量額。須規定一種劃一之最大限度。」云云。吾人之意。此「華僑成年人之數額」一語。宜改

第 一 百 〇 二 期

爲「華僑吃烟成癮者之數額」方爲妥善。因此間中烟毒者。雖幾屬於華僑之團體。然現時華僑中年齡之在二十歲以上三十歲以下者。多受教育之薰陶。與社會之制染。染烟癖者絕少。若依成年人之數額。以定消費量額之最大限度。則鴉片之供給。仍極充足。成癮者固可盡量吸食。新吃者亦大有餘額。可資分配也。是烟禍仍永無剷除之一日。今若改以成癮者之人數。以爲消費量額最大限度。決定之標準。則範圍既狹。供給之量。自可大減。當局若更勵行遞減之法。則烟禍當不絕自絕矣。蓋政府與社會禁烟之目的。在使彼己葬身異籍者。能逐漸滅除。而非冀其他未染烟癖之新民。亦有吸食之機會也。然欲確知吸烟成癮者之數額。與其每日消費之實量。則非行一種精密之戶口調查不可。吾人之意。此事可由當局令警署與禁烟委員會及各公共社團協力行。就星加坡而論。可將全坡分爲若干區。每區委任專員負責調查。限期完竣。凡調查居民中確已吸烟成癮者。即令其書明姓名籍貫。

貫年齡住址及其每日吸食之最大量額。並令其以最近四寸半身像片及指模印樣。呈交政府。方可領取吸烟執照。具此執照。方可向政府承認之烟店購烟。此等由政府承認之烟店。各區中僅設一所。其每日所售之烟量。即以其所在區域內吸烟成癮者之消費實額而定。政府昨日發給此等烟店之烟量。亦即以此實額而定。使其無由多賣。經過一定時期後。政府復可比例減少。以期烟禍之無形消除。則凡吸烟者。經此註冊種種手續之困難。其在上海社會之有烟癮者。必不堪此等手續之煩擾。而思早自戒絕。其中下流社會之平昔並無烟癮。而徒藉以消遣者。則更不敢沾染矣。總之。禁烟最妙之方。在設一種苛細煩擾之法。使吸食者頓生一種厭惡之心理。自趨於戒斷。則方屬於自動的。而不敢再犯也。此查烟口與註冊及發給執照等手續之所當首先施行者。(乙)取銷煙館南洋烟禍之所以橫流。至於如此其烈者。其最大原因。即在於吸食場所之衆多。通衢大道。烟館林立。凡僻壤窮鄉之有

華人僑居其間者亦莫不有（公烟開燈）四字與日月相輝映。就食既如此其便利。又奚怪黑籍民額之日增。近來國內禁烟。雖不敢云嚴厲。然煙館久經消滅。凡吸烟者祇能於與外人有關係之場所。如洋行輪船等地偷食。即來年內地所產之烟。亦以租界為唯一銷納之尾閥。若國內吸烟場所能一如此間之便利。則烟禍之烈。當尙不止此。夫此等開燈烟館。不獨為烟毒媒介之地。且恆為作奸犯科總匯之區。因其出入人類。品流太雜。匪徒莠民。往往借此為會集之場所。彼輩青年。始以伴人閒遊烟館。戲嘗滋味。因而隸身黑籍。終以與莠民相結識。誤踏法網。而致於喪身敗家者。何可勝數。世間藏垢納污之地。實無有出烟館之右者。而其為害之慘且劇。亦無一物可與之比擬也。故吾人欲圖烟禍之禁絕。非將此等開燈烟館。一律撤銷不可。此外如俱樂部妓館。及其他租賃房屋一二間。私備烟具。招引友朋吸食。藉取其烟灰以為度日之資者。自亦當嚴行取締。務使吸烟成癮者。僅能於家中開燈。則一

通 信

方因購烟手續之煩擾。一方因家人之責難與監視。吸食之量。當可自行嚴為限制。而以精神上感受種種之苦痛。尤可使其自動的以謀戒絕也。因吸烟不過一種習慣。遽行戒斷。非有致命之危險。人非至愚。何樂而不出此。

（丙）嚴禁私烟。公家舉行禁烟以後。則私煙之偷運。自必較前更甚。現時本地政廳之查緝私烟。尙屬嚴厲。然偷運之法。日趨精巧。致查緝者自查緝。而偷運者自偷運。此間僑民。因偷運私烟致鉅富者。指不勝屈。竊意實行禁烟之後。當局對於偷運私烟之法律。大可仿近日因勒索暗殺等案之風行。政府不得已將刑律修改之例。亦可將緝私法例改訂。增加防範處罰之力。使其不敢以身嘗試。則雖不敢云禁絕。然決不致如今日之猖獗也。

（丁）增加委員。烟毒流害。為期既已若是之久。則一旦欲謀禁絕。其進行方法。決不能如吾人所舉者之簡單無疑。即如調查烟撤銷煙館以及嚴緝私運等。其中手續之繁難。自非此短篇之文字所能盡。必也集社會各方之思。

慮。羣起實力協助。而後可期收迅速之效益。此次政府所選任之禁煙委員會。華人委員僅有二名。似嫌不足。因此事與華人關係獨大。其中西人委員。雖其平昔多有知華人之情事者。然於此事之確切利弊。及其進行之程序。恐未必果能深悉。吾人之意。政府宜令此間素日具社會公益深誠之正式公共團體。各舉代表一人或二人。及各邦華僑之領袖。加入該委員會中。贊助政府進行。則方可收完美之效果也。若政府恐因實行禁煙。須增加職員。以爲茲事之管理。則吾人之意。儘可增加煙價。以資補償。因煙價日昂。則吸食者因感經濟上之痛苦。亦可促其早謀戒絕。寓征於禁。卽此意也。(二)屬於華僑方面者。(分子丑寅三項)。(子)組織禁煙聯合會。凡舉辦一種社會事業。非羣策羣力。相互聯絡協助。斷難迅速奏效。所謂獨立難支。衆擎易舉者也。年來我海外華僑。對於國內水旱凶災之助援。以及當地教育慈善等事業之維持。莫不先由各團體合組一會。以利進行。其團體之範圍愈大者。其所

獲之成績亦愈大。歷觀往事。莫不如此。煙毒流害南島。爲時既若此其久遠。今起而謀禁絕。其現時所應討論之事項。與將來一切進行方法之實施。綜錯繁衍。決非一二人之識力所能勝任。竊就新嘉坡一地論之。亟宜由叻地各公共團體及早聯合組織一禁煙大會。推舉平昔熱心社會公益之紳商。充當職員。負責協助政府進行。一方面復與四州府之戒烟社相聯絡。一方面則與國內之各社團相聯絡。合海內外大羣之力。以謀烟禍之根本剷除。組織既備。勢力自宏。區區烟毒。奚有不能廓清之理。攷近來國內。因內訌未息。中央命令。難出都門。各省軍閥。咸藉煙烟以爲軍糈之挹注。內地各處禁煙社團。以無法制止官廳之弛禁。致吸食者日衆。而烟毒亦以日滋。於是對於禁煙運動。多已趨於冷淡。然使此時海外僑胞。能順此邦當地政府禁煙之動機。毅力進行。將海外僑民所中煙毒之慘狀。及最近禁煙運動之決心。詳盡臚舉。時向國內政府與各地公共社團。作懇切之呼籲。冀以引起政府協助之同

情。激進社團禁烟之意志。則將來國內烟禍之禁絕。或轉得以由海外華僑督促之方所致也。況海內外華人。既有一種大規模之組織。自可向國際聯盟會請願。對於禁烟。謀一種全體根本解決之方。民意所在。各國當局。自不能忽視。此於禁烟運動。當尤可收絕大之效果者也。此同僑亟宜組織一確聯合禁烟團體者一。(丑)印、發、戒、烟、文、件、凡辦理一種事業。宜先有文字上及其他之宣傳。而後其收效捷而宏。鴉片之爲害。在智識階級與吾人之未嘗沾染者。固莫不知之深且切。然在沉迷其中者。則多反謂其足以醫疾病。長精神。延壽命。而不能舉其弊害之所在。其具資產者。且縱令其子弟吸烟成癮。以爲長伴橫牀。與雲霧爲侶。則足不出戶。而可免他種嗜好之傳染。孰知凡有烟癖者。其最終亦莫不同具嫖賭諸惡劣之嗜好。因其平日相與親密往還之人。多非善類故也。世間多少聰敏有用之青年。其因此湮沒終古者。何可勝數。言之實堪痛惜也。其最慘者。則莫如肩挑小販及人力車夫。多以其每日

通 信

血汗所獲之微資。盡虛擲于此吞雲吐霧之中。而若輩毫無智識。嗜之如飴。至死不知其害。是非爲人耳提面命。大聲疾呼。令其幡然警悟。則茫茫苦海。何日能得超渡。故吾人欲謀烟毒之永除。亟宜編撰合於若輩心理之一種淺顯歌曲。及其他之勸告印刷品。將吸煙弊害。引伸曲喻。務使其明白了然。此外則可由各團體舉行公開禁烟化裝演講。以動其懊悔羞惡之心。則雖頑石。當亦可以點頭。而大可促其自動的戒斷者也。此吾人亟宜於宣傳鼓吹方面着力者二。(寅)製、備、戒、煙、藥、丸。夫戒烟之法。非僅空言所能濟事。宜備製一種特效之戒烟丸藥。方易爲功。嘗聞已染烟癮之人。因感經濟上之困難。非不欲與其脫離關係。惟以無良妙戒斷方藥之故。雖偶有歇吸者。然以種種痼病。多隨之以起。乃不旋踵舊態復萌。而所吸之量。較前更增。大有愈戒愈深之慨。是吾人欲期禁烟運動之有效。非由禁烟團體備製各種丸藥。廣爲售施不可。惟此項戒烟藥丸之備製。動須鉅款。此則不得不有以望於中外

各界熱心禁烟慈善大家之捐助。其有醫學專家。能發明戒烟奇妙良方者。禁烟團體。當即徵取。以便依法炮製。發明者之芳名。自當公布羣衆。藉示表揚。或呈請政府。給以相當之賞資。以資激勸。此類戒烟丸藥。所以應由禁烟團體製售者。一以由私家製售。恐其專以漁利爲目的。其中摻合烟質。轉足害人。一以貧苦烟民。得以自由領食也。吾人能於禁烟之積極方面。予以戒烟丸藥上之助力。而仍謂煙禍無剷除之望者。其誰信之。此禁烟團體亟宜備製戒烟丸藥者。三。以上所舉。不過犖犖大端。其餘詳盡辦理之法。尙屬極繁。想政府方面與同僑諸公。必能周思熟慮。務絕此毒。以去英國殖民政治上之一種污點。而爲華僑歷史上開一新紀元也。

●紀三寶壠三保太監沉舟墩古

跡

壠川江覺恨寄

荷屬南洋爪哇島三寶壠埠有一古跡。相傳爲吾中國明代鄭三保太監和下南洋時之沉舟處。蓋三保太監下南

洋。據明史宦官傳稱。率有巨船六十二艘。不意此艦隊中有一艘航行至此。忽焉沉沒。由中國來爪哇所雇用爲引導之舵工。亦葬身於此。僅見長桅一竿。浮出海面。此海久後。漸漸填成陸地。華爪人士。即于沉舟處築一土墩。以誌紀念。墩略似方形。有石級凡六。一方界以石墻。一方徧置疊塔之木架。及形若界柱之木材。其遍豎方形木架下者。均華僑歲時携來還願之紀念品。良以華僑尊三保公爲神。迷信甚深也。其所以用木材者。則係從爪哇土人之俗。以木材係爪哇土人之墓碑式。如吾國之立碑然。木中並刻有華文弟子某某叩謝立字句。亦或有僑生子弟。不能書華文。而改刻巫文者。另有三寶洞。亦著名古跡。此墩即在洞之左畔也。

▲閱者可參觀本期封面正中之銅圖。即壠川江覺恨君所攝贈。

●三馬林達華僑歸國旅行團之

集議

俠劍通信

▲廣生隆概況報告

鄙人現寓荷領婆羅洲三馬林達廣生隆商號內。現因敝居停擬約同南洋僑商共組織團體。于春來聯袂歸國觀光。藉調查國內政態商情。惟苦無門徑。請先生代定詳細章程。早列僑刊。詳示營遊之埠。所需時日。應用費若干。合銷之南貨。與乎旅行一切應知之手續。其叙會地似當以香港為宜。俾吾人可接示招集。循導進行。幸甚幸甚。惟此事昔曾有人提之。不知何故。今仍寂然。敝居停以為個人自返。似不能及團體同行之利便。故發此宏願。並就教於先生也。茲再將敝居停狀況。仿名錄之例。書於左方。

廣生隆係中國廣東開平人盧亞寶獨資之商店。專辦一切出入口貨。賣買一切土產。如魚膠、魚翅、燕窩、犀角、籐條、籐席等。資本百餘萬盾。籐業為此島冠。尤占出口之大宗也。今已由其長子盧榮宋主理一切。華文通信處「南洋荷蘭領波羅洲三馬林達廣生隆」巫文「L. A. N. I. O. K. Kang Se ng Ting Inoport -Exp. rt. Samarinda.」

通 信

K. Van (Eoin's.) 盧榮資係廣生隆盧亞寶之支店。其營業為代辦各貨。買賣土產。主理為盧亞寶之次子盧榮資。「華文通信處」南洋荷蘭領西里伯士島孟家錫埠唐人街二九號盧榮資。「巫文」Lo. B. ing Toe Tin. Tel at cot N. 2. 7. 1. n. n. s. n. (Celebes.)

▲鳴按 此事當於下期專論奉答。

●荷屬昂細僑況

李光籌寄

荷屬爪哇島昂細埠。蓋一小埠也。華僑于此。雖能盡量振興土貨。然埠頭離海口遠。運輸不便。消途亦有限也。加以去年生理十分蕭殺。天不降雨。番人種稻無水。遂使百種經濟狀況。均受其影響。而奄奄一息焉。又查此埠一切貨物之供給。除少數就近購採外。大多數均由巴城泗水壠川井里汶四埠運來。有一種大黃類之黃芬紙。在此之銷路。誠占一大部分。可惜非國貨。乃法國品也。日本雖能仿造。然其紙質粗劣。難以通行。倘國內實業家工藝肯用心發明。仿造此物。增進國光。挽回利權。豈淺鮮哉。

△鳴按。承李君附寄黃芬紙法日二國二種樣品。細觀之日製品顏色深黃。不及法製品之光亮。而質地之粗。尤無等倫。竊謂此種捲烟紙。非絕對不能仿造者。粵人尤嗜此物。曷不一研究之乎。

●法國與暹羅商務

暹京南生通信

暹羅近十年來。國內經濟事業。頗呈發展之氣象。惟其國民所賦之天性。無經營偉大商業之能力。又僅於限於農業一小部分。其他種種實業之不發展。依然如故。然其最大原因。由于暹羅改革之初。政府於百凡經濟事業。與國民隔閡殊甚。及後漸有所悟。知以前計畫之非是。乃翻然變計。竭力與國民聯絡。冀發揮互助之精神。於是築鐵道。濬溝渠。建造有關商務之各項工程。由政府提倡。相繼謀商業政策之開創。歐戰末期及歐戰後近數年間。暹羅經濟狀況。遂日益發通。其中尤以米業為最。若論暹羅對外貿易。亦漸有起色。除英國外。其貿易之便利。當首推法國。因法屬安南為暹羅之門戶。法國與暹羅貿易。較之他國

佔優勝之地位。今暹羅富有天產。各出產品米為大宗。其餘木料。寶石。皮革。油漆。椰子等。亦屬豐富。法國當利用交通之便利。吸收暹羅之原料。以本國所出之製造品。與之交易。並以施諸安南之種種辦法。推及於暹羅。其發達當可預卜也。

查暹羅商業進出口計算表。一九二一年至一九二二年間。進口貨達一三三七二三〇〇〇暹幣。出口貨達一六四四九六〇〇〇暹幣。每暹幣約合二法幣。其商務情形。可見一般矣。

●本社留言

暹屬楊雅言君鑒。報費奉到。一百期起寄矣。

巴雙永春公所鑒。續賜報費奉到。謝謝。

馬羅居李仁鳳君鑒。貨款因書前次社址。輾轉遲到。現已代辦寄上矣。餘另函。

巴雙華僑樹膠公會鑒。上次承委評定課卷。少效棉薄。殊嫌草草不當。乃承雅愛。復贈評定手續。及加送課酬之補。

助費叨幣三十元，愧領之下，專此鳴謝。

徵求舊報

本社現徵求本刊第十三期第二十二期第二十一期第二十四期諸冊。如惠閱諸君尚有保存肯割愛寄還者，每本當另酬最近本刊三個月，或改索海鳴所書冊頁亦可。如四種合寄當加贈海鳴手書四尺對聯一付，或拙照一張，以答盛意。

徵求描寫華僑事實之短篇小說

凡刊出者分甲乙兩種奉酬。甲等每千字酬國幣一元五角，乙等酬國幣一元。海外寄款不便，改寄書籍，任意指出何書皆可代辦，其價值以書之定價多少與寄費多少為比較。譬如甲等當選之小說計三千字，應得稿費四元五角，即可儘此數目代為任買何種書籍，區區之數，原不足云酬，聊以代謀華僑學者買書之便利耳。即希鑒諒，微忱踴躍賜稿為禱。

通 信

小 記

星洲鄉區局之報告云：星洲鄉村區域內土地之面積共一百八十八又五方英里。居住鄉區內之人口約計七萬零四百三十二人。以人口之密度計之，每方英里祇有三百八十人。而星洲北岸及西北岸之地方，多半尚未將樹木斬伐及池沼尚未填塞之故，實無人居住其間云。

●星洲鄉區居民之密度

●暹皇已廢多妻制

歷代暹羅皇盛行多妻制，每一皇室約納千餘妻妾。其中三四百女子由族中選出，其餘六七百女子則由民間採納。因皇妃衆多，故子女亦夥。如現代暹皇之祖父共生八十六子，其曾祖共生二百生女三百十五。現代之皇曾與弟兄十人，留學英國，受新教育之感化，故自立位以來，極力打破歷代之多妻制，實行一夫一妻制於該皇室，已親自首先實行矣。

瀛 談

小 記

據星洲工部局土地估價員報告稱。去年年底。在工部局轄制之範圍以內。全市土地可以估定之價額。共有二千三百廿五萬七千二百四十一元。統計去年十二個月中。土價額約共增加三百萬元。其原因則多由海港部與政府所有之產業。重為估定所致也。

● 星洲土地價格總額

● 澳洲之棉花

澳洲棉花之生產。頗有活動之勢。在昆士蘭之北洛金頓 (North Rockhampton, Queensland) 已新築一軋棉廠。每週能容理棉子至五十萬磅之巨。有新棉棧一。其容量為三百噸。是年五月所存之棉。則滿無餘地。五月份洛金頓烏遠 (Mowbray) 及額埃打 (Gardiner) 收入之總量計。百廿萬餘磅。該季雖與棉花相逆。然其數百分之九十。盡屬首次之品種。植二百餘英畝之種植者。意將於來季重行種植。其面積或較此多其半。新南威爾士之英澳棉花有限公司 (British Australian Cotton Association Ltd., New South Wales) 於紐客斯之瓦拉打 (Warrah, Newcastle) 築一軋棉廠。其裝置有美國最新式之機器。

● 緬甸曼德禮洞記

雲影

瀛 談

緬甸京城有曼德禮洞。 (緬人謂山為洞。華人亦以洞稱之。其實是山不是洞。) 山高約二千餘尺。由下而上。且行且息。約一點鐘始達。山之最高處。墾作平地。建佛寺其上。寺內崇奉金身佛像極多。寺庭有一長方形。圍以鐵欄。內塑泥像七八形容『生』『老』『病』『死』狀態。或臥或立。或病或老。或生或死。塑工頗妙。見者寒心。誠以人生世間。無論富貴貧賤。這幾十春秋。有幾時不在苦惱中過日子。到死了以後。又是怎樣。佛家以此示人。使人看破一切。歸心奉佛。聽說當時釋迦亦因此而修佛也。

文 藝

特 告

本刊本年文藝欄大加拓充。以引起閱者興趣。社長何海鳴已專函分約海上諸小說家文學家担任撰稿。茲承蘇州顧明道先生最先寄來「與子同仇」小說一篇係描寫菲島古代華僑潘和五義俠事實。准下期（即一百〇三期）刊出。特此預告。

南洋客僑之英傳

憂時子

一場好夢

僑之英。福建南安人。南洋客也。年六十有八。妻已喪。子女各一。男子年十四。女年十二。皆受過高等小學教育。僑之英久客懷鄉。於去年七月間。由美屬菲律賓濱買棹歸國。足甫及門。派般戶特別捐者。已如狼似虎擁而至。而所派數目。即罄家蓄。子不足與之。僑之英大駭。知不怠走。禍且臨

頭。遂脫逃至廈門。其子若女尾其後追之。共止某客棧宿焉。僑之英之來也。為子女故。今子女日在其左右。家庭幸福已享。雖在逆旅中。廈門也南安視之矣。

然以不善積蓄故。出洋經商五十年。到老無半年生活費。加以往來僕僕泉廈間。由夏而秋。由秋而冬。今日歲聿云暮。轉瞬陽歷正月元旦至矣。天涯淪落。費漸不給。欲復南行。而年事已高。欲再返里。而視為畏途。欲在廈營小販賣。而困於經濟。無由憑藉。日暮途窮。憂憤交併。旋而病作。精神恍惚。若覺若夢。夢見身為大將。將華僑子弟兵十萬。集新加坡。旋出發。經太平洋。歷南海。折而入福建。分左右翼進兵。左翼由廈門而泉州而永德。北出莆仙。西出漳州龍巖。所至摧枯拉朽。殺人無算。右翼直搗省垣。閩海道屬底平。即日分略延建邵。所至一如左翼。摧枯拉朽。殺人亦無算。僑之英義旗所指。舉凡大小軍閥官僚政客土豪地棍胥吏衙役城狐社鼠等。皆稽首馬前。承認罪大惡極。願甘受極刑。僑之英一一發交軍法官。嚴其魁。免其從。懲其

文 藝

一戒其百上下游地方秩序陡非然匪徒絕滅無踪。喬之英乃化兵爲工與民休息。一面實行其宣傳主義。凡三年舉國上下羣曉然其爲民而來也。乃發號施令。誅討國賊。一戰而某系倒。再戰而各省軍閥倒。三戰而世界野心政治家皆俯首帖耳。惴惴然以一等國奉中國矣。喬之英獨以勢不可恃而息之終凶也。則卑躬折節。推賢任能。通商惠工。內修庶政。外和列邦。南洋羣島求內附。喬之英以爲華僑居留地。義不可却。一一與其國協商。皆告成功。喬之英慨然曰。嗟乎。事在人爲。十餘年來政治之醜。數百萬華僑之忍氣吞聲。今乃一伸眉宇矣。快慰之極。因起而跳舞。其子若女以父病。日夕守其旁。視其狀。知其有異。曰。爺得毋夢乎。喬之英曰。我方爲大將殺賊也。揉眼四顧。神乃大定。始知爲夢。歷舉情狀。刺刺不休。其子若女亦各言所夢。一夢以炸彈中賊腦。一夢以短槍擊賊腿。皆立斃。時父子兄妹津津說夢未已。而客棧門前爆竹聲嘩嘩。百主人旅客彼此恭賀新禧矣。

憂時子曰。以暴易暴。古人所戒。若以有主義之武力暴。未必不爲今人所喜。又此次福建變亂。受禍最巨者。爲南洋客。喬之英憂憤之極。幻而爲夢。殺賊定國。快慰平生。其子若女亦皆有夢。吾人讀其傳。甚惜其爲夢而非真也。然亦足快矣。

● 猴 伴

(第 一)

三十年前有恩平人趙某。貧無賴。鬻身爲奴。赴南洋作苦工。在荷五年。幸有餘積。贖身赴別埠。流寓山巴。搭葵棚。開小雜貨店。山居殊闕寂。曉起。四無人踪。時有猴子一頭。巨如人形。乘彼他出。輒入室盜食。其隔宿糧。毀及瓦器。碎然有聲。彼返而猴遁。習以爲常。某厭之。思得毒計。潛以鴉片置白飯。縱使食之。食至數十日。猴中鴉片毒。遂起烟癮。乃匍伏於某前。如謝罪狀。此時口水鼻涕。厥狀甚苦。某於是與猴約法。日給以飯團。掛紅布囊於猴頸。示以手勢。使入山採金砂。猴如命。飽食而去。或一日。或兩三日。輒跑歸。解其囊。有金砂少許。自是以爲常。甫及一年。猴以勞之太過。

頗不欲去。而某亦獲贏餘。約有二萬金。滿載榮歸。偕猴兒抵香江。營藥材店於上環水坑口。此時猴能自燒烟。自打河（粵音）如主僕然。同居樓上。日買烟一盒。用以餉猴兒。名之曰三哥。（粵人呼猴曰三哥）一日某返鄉。囑其掌櫃曰。必供猴以鴉片。無使乏糧。掌櫃諾之。詎某去而立奪其食。客不買烟。猴驟作入廚房。向伙軍流淚。猴故耐勞。平日為伙軍濯器。伙軍甚德之。因典當衣服。得洋銀一員。盡以買烟。供三哥吸食。翌日借貸得銀。亦如之。未幾某返店。三哥一見翁。即入廚。牽伙軍衣。牽之出鋪面。而抓掌櫃之面。抓之使離其櫃位。而牽伙軍使坐之。某問何故。猴聲色俱厲。抓手作勢。其意蓋訴冤。謂掌櫃不稱職。且以伙軍承其乏也。某卒將掌櫃遣去。逾年某病篤。切諭其子若孫。必善視三哥。兼述其助己起家之前事。子孫謹受命。某遂卒。送殯之日。人穿孝服。猴亦穿孝服。送主人翁至山頭。竟以頭觸棺。腦裂而死云。

文 藝

●花生殼可製紙與纜

頃聞菲律賓某公司。近發明謂花生殼可製紙料。且經驗有效。據西報載稱。其謂花生殼之功用。不僅能製紙。且可造纜。緣其殼含有兩種物質。其內外皮之木質及肉質。皆可造紙。中夾之藤條質。有如絲綢。可用造纜。該兩物質。一經晒乾。自可易於分析。且所造出之纜。質亦不劣。惟設廠製造。需料甚多。而花生殼之一物。一處所出有限。必待外處輸入無疑。其中運費。實屬不少。故猶須斟酌者。倘能於付寄地方。以機器壓而細之。或可省費。不然者。縱使造成後。亦無甚利權者云。

●美國發明中國打字機

美國某公司。最近發明中國打字機。全機共注音符母四十個。簡便快捷。該公司已期入中國試用。如得中國歡迎。將即加製。以供需求云。

論 評 報 滬

文 藝

四

△日本新設海外工務官

(滄水)

日本在吾國及南洋方面其貿易逐年增進。又對於吾國經濟狀況與各項商品之推銷以及市場販買方策社會流行嗜好等事。其調查研求實較英美兩國更進一步。此日貨在華銷路所以逐年有增實為英美之勁敵。倘非因彼邦外交政策之錯誤。致常受排貨之影響者。則日本對華貿易之進展程度當更尙不止此。近日本因原有所派之海外商務官。其於調查海外市場情形。猶嫌未能詳備。因此定於明年度新設海外工務官。以謀對外貿易之振興。其任務係與商務官互相聯絡。派駐各地從事調查。凡關於日本出品需要狀況及與相競爭之外國品。均隨時比較其優劣。又日本貨為外國貨所壓倒之原因及難相競爭之關係。駐在國特殊出產之製造技術以及其他凡屬於改良產品之情事。如上述各項。固亦為商務官之任務。日本政府因商品製造之優劣。其有關於工業技術者至鉅。因新設海外工務官。俾與相輔而行。蓋純以技術本位為主。即除去研究推廣日本貨之銷路而外。兼以改良技術為要圖。其新設工務官之主旨。謂為提高日本貨之品質可也。

回憶近數年來。舉國提倡國產。就一般普通製品而論。以較日本貨。固屬瑕瑜互見。但以較歐美製品。則均有遜色。因此國產製品。既尙不足以替代歐美製品。他方面則日本製品仍舊流行。至於國產之提倡。其成效難以大著者。因以品質論。則固不及歐美所製。又以價值論。則販賣日本貨之成本。有時且較售賣國貨為有利。因此之故。其足以影響於國貨之振興。固至重大。然而歷來言提倡國貨者。均注意於銷路。而不甚考究貨色之改良。此實絕大之缺陷。即以日本製品而論。近亦有鑒於貨色之甚次佳良。其在歐戰期中。因歐美製品一時缺少。日本貨得乘機以謀推廣。今歐美製品銷路恢復。日本貨遂無從與相競爭。以致輸出貿易且相形減色。於是始知製品之推行。固非僅以成本便宜為得計。而於貨色之品質。亦不可不加以講求。因此彼邦新設工務官分駐海外。以研究改善技術為主。此固吾國所應效法。蓋吾國提倡國貨之所以鮮收實效者。其於技術方面。究屬尙欠講求。因不以貨色精良為前提。而惟以愛國心為勸誘。固可暫而不可久。又利用一時之變態。則可。若視為經商之常態。則不可也。

介紹丙國貨先小行送廣發告個一月

自強工業社廣告

本廠為振興國貨起見特聘專
 門技師選購國產精良材料製
 造**仙鶴牌**花露水玫瑰霜
 髮油牙粉等品以來均受
 獨願歡迎等語出品以來均受
 社會歡迎等語出品以來均受
 定價格外從廉以酬惠顧諸
 君之雅意
 ▲總發行所 安徽廣德西城外
 自強工業社啟

此地位每格每月(三期)收刊費一元占二格者一元九角占三格者二元七角以三格為限

農 商 公 報

目價告廣		目價報定	
一 面 頁	兩 面 頁	代 售 價 目	零 售 價 目
每 月 一 期	每 月 一 期	每 月 一 期	每 月 一 期
十 元	二十 元	六 十 元	一百 十 元
三 十 元	五 十 五 元	半 年 六 期	全 年 十 二 期
七 元	二 十 元	七 元	三 十 元
七 元	二 十 元	七 元	三 十 元

閱報利益

- 一、本報材料或為學識之著述或本實地之調查閱本報者可以知全國實業狀況
- 二、本報廣告最多效力亦最大華僑營業廣告或商業廣告概按半價核收凡有投稿本報一經登載均酬本報以材料之豐富定酬報之多寡

本報分政事報吉著譯選載四門酌仿
之報體兼雜誌之長為公佈文告
載願受各界歡迎之料益求豐富撰述
更切實用以期國人樂於購閱感手一
編藉收提倡實業之效凡願
定購者請即投函北京農商部編輯處
接洽可也

外 交 公 報

本報以外外交公報為宗旨分法令政務通商交際條約及考察報告等件附錄十門為本報文告公布之機關自十年七月出版以來閱期刊行以來頗受各界歡迎本報為提倡起見每册收價回成本而於編輯則逐加改良材料則益求豐富以副讀者之望總期成一編能收益於外交者請投函北京外交部圖書處接洽可也 ▲兩項價目表列後

定報價目表

冊數	定價
一冊	四角
二冊	八角
三冊	一元二角
四冊	一元六角
五冊	二元
六冊	二元四角
七冊	二元八角
八冊	三元二角
九冊	三元六角
十冊	四元
十一冊	四元四角
十二冊	四元八角

廣告價目表

頁數	每月一期	半年六期	年十二期
一而頁	二十元	六十元	一百元
二而頁	十元	三十元	五十元
三而頁	六元	二十四元	四十元
四而頁	四元	一十八元	三十元

注意 上列兩表價目均按現洋計算郵費不取
自民國十一年一月起

僑務新聞

政事類

荷漢務司對華僑教員入口之表示

口之表示

爪哇有某校教員以華僑教員進口。學視西政府拒絕特赴漢務司署。請指示在中國聘請教員。應如何始免被拒。漢務司武乃文君謂荷屬境內共有八百餘名教員。一九二三年全年統計。被拒者連陳夏二女士在內。只有四人。何能謂為屢被拒絕。且政府為地方安寧起見。自然必要拒不善良份子入境。所謂不善良份子云云。亦不是政府妄加誣蔑。如前時某人担保某教員為善良份子。及問他教員之姓名。彼乃茫然不知。試問不知其人之姓名。何能知其入良否。故教員入口之被拒。如真有誤認為不善良份子時。亦自屬担保者之過。如真屬善良份子。則政府當無拒絕之理。各校如欲向中國聘請

僑務新聞

教員。若能事前將被聘教員姓名履歷呈報政府。則政府當於最速時間內指示准否該教員入境。如經政府准許其入境者。則該教員入境時當較少困難云云。

坎屬以排華運動選舉

雲高華每年選舉市長之期將近。排亞派之呼聲亦必因而之作。蓋候選員等。各挾其收買人心政策。冀得獲選。憶每年將選舉之時候。候選員中。有一二人特登告白。大書特書。非謂減華人營業准照。則謂奪回做工位置。給與西人。而排亞派則乘機鼓吹。大有不逐東亞人不已之勢。查是屆之候選員。有兩名亦是去年登排華告白者。想彼等將必再演其往日之伎倆云。

荷屬允許江亢虎入境

▲此舉如確則差強人意
吾國社會黨首領江亢虎博士。最近游歷南洋。在英屬馬來半島等處。大受華僑歡迎。各社團學校。均請其演說。博士擬由此轉入荷屬爪哇。而爪哇總督及漢務司。竟有拒

絕入口之議。事為荷本國政府所聞。深不謂然。由外交部去電申斥。荷爪哇總督遂允許江之入境。吾人甚望荷屬從此改易態度。不再貽吾華知識界中人不快之感。邦交幸甚。

●國內外商會反對農商部證書費

南洋各總商會。近接到上海商會聯合會來函。略謂北京農商部近新訂徵收全國商會會長會董證書費。會長副會長徵收四元。會董二元。此種純係農商部搜括之政策。商會之會長會董。由投票選舉。不過向就近官廳備案而已。其地方不在乎證書之有無。聯合會總事務所。經將函意通行國內外各商會。而南京總商會及上海縣商會均。有復函。同一主張。反對農商部徵收證書費。荷屬總商會自接到此項公函。即將抄寄荷屬各商會一致反對矣。

●菲律賓新頒華人入口禁令

菲島海關移民部取締華人入口之新例。層見疊出。茲於

一月四日。又重頒禁令。嚴查華人新客入口。特譯錄如下。
(一) 商人子在十五歲以下。及商人妻女年齡適當者。得在船保認(偏沙)上陸。但須得有移民部長允准樣字。及經檢查員驗過。
(二) 十五歲以上之商人子。及形跡可疑之婦女。皆須到海關移民部保認(偏沙)。不准就船放行。
(三) 新客在海關移民部保認(偏沙)時。須由部長會同訊問員一人或二人訊問。及查察其是否年齡適當。然後方得放行。
(四) 過歲之商人子。非經特別訊問。口供。不得放行。
(五) 中國人在菲屬土生子。及美國籍民(夏威夷人)之子。須有正式憑據。經特別訊問。方得保認(偏沙)。如訊問不能居留。可上控至移民部長審定。放留。
(六) 各大大字館人當放客時。不許登船。
(七) 當放客檢驗之際。不許大大字館人進與新客交談。
(八) 前定允許大字館人登船規則。即日取銷。

經濟類

●菲律賓禁止中國水果入口之交涉

▲查明無毒。禁令取消矣。

菲島農林局長以近日中國入口之水果。多含

有微生菌。易於傳染。有令禁止中國水菓入口。經中華出入口商會反對。局長乃於前日召集該會及本地植菓人代表。到局辯論理由。華商方面由周領事代表鄭君孔珍發言。鄭君謂農林局近日禁絕中國水菓入口。不過謂其含有傳染病菌。所可怪者。中國水菓入口。不自今日始。三十年前。已有華菓入口。何以從前未見發現病虫。而至今日始有傳染病菌發生。且即使中國各埠運來非島之水菓。其中有少數含有病菌。但菲政府欲免傳染。尙有他法可行。何必定要禁絕入口。譬如菲當道預先通知中國出口各埠。請其嚴查入口來菲之水菓。如有傳染病菌。則勿許其出口。駐菲中華總領事對於此事。極願出力幫忙。菲政府何不採用此法云云。代表植菓人者。爲律師彭力他氏。(Bucetin)彭氏反駁鄭君。謂三十年前。原有中國水菓入口。但爲數甚少。故雖有病菌。亦未易發現。近日中國水菓入口。則愈見增多。其病虫最易傳染。本地菓樹。本島菓業尙在幼稚時代。怎堪受此打擊。爲保護實業起見。不能

不禁止中國水菓入口云云。是日雙方辯論甚久。并無何種結果。但農林菓木部於辯論停止之後。又由商務局長提議實行禁例。且不限定中國水菓。凡由外埠來埠之水菓。概受檢察云。其後農林局再開檢察之會。我國華僑出入口商會會長吳君符來。偕律師鄭孔珍。聯同粵幫商業聯合會之抗議股員前往。與其討論。當堂試驗。確無微菌。該局長遂取銷禁律。此後仍得入口云。

●爪哇之農作

▲稻田較豐收

據荷政府發表。去年爪哇島及馬廬拉島農作。較之數年來。實爲豐收。統計昨年兩島之米產額。爲二萬九千萬担。早稻每畝收穫。有三五七成。而細披兩島之被害虫損壞者。約一萬一千畝。又枯稻田約三千一百萬畝。又水災損害約一千萬畝。而此八個月間。既經收割之米作。實有五萬九百萬畝云。

●海峽殖民地錫市

一九二一年英海峽政府。管費二百兆元。用購錫米。故一九二二年終。尙能售高出之價。此購錫之款。其已入業者之手無疑。實爲助力不少。吾人所知者。爲政府撥出鉅款。以維實業。但未免屬於冒險耳。現查悉三年來入口之錫米。特誌如下。一九二一年。計三五〇九七五担。值銀二〇〇五五三五一元。一九二三年。計五七六八六九擔。值銀四〇五〇六一四〇元。由此觀之。此三年中。已增入二二五八九四擔。約可值銀二〇四五〇七九九六。故其錫廠。能多予購入。即多所獲利也云。

● 庇能星州膠業與暹羅南方之關係

暹羅南方與英屬馬來半島。其大宗之產物。莫如樹膠。故擁有數百千萬家資之華僑。大多數從經營樹膠業一項。甚爲注意。近者在暹南方各省。輸運大帮樹膠。往檳城星州發售。價格較該地上市略爲相宜。以故膠商大起恐慌。英政府爲維持商業起見。已通函暹政府。請修訂運樹膠

出外之條件。如有商家欲販運樹膠入該地者。須有政府之憑照方可。暹政府接此消息後。正在商議中。將來由暹卡省運往檳城之樹膠。若無政府發給之護照。則不許登岸。又稅務局以此事影響商業。亦商議最善之方法云。

● 緬滇通商情形之調查

▲ 緬甸中華商會之呈報

緬甸中華商會。昨呈農商部云。滇緬陸路通商。以騰越爲總口。除鴉片酒品米鹽四項。向例禁止進出外。其餘均未訂有稅則。商人貨物。不用徵稅。皆可自由通過陸關。冊所編載。不過登記每年進出貨物之量數價值而已。但稅冊所載。又從與調查所得情形不符。我國貨物。由騰越輸入緬甸者。以絲、茶、牛皮、爲大宗。據僑商所言。每年黃纜絲。價值當在千餘萬盾。與中國稅關冊報告騰越關之輸出。民國十一年度黃纜絲。不過百二十二萬零三百十兩。紅茶八百五十兩。綠茶三千五百七十兩。由緬甸輸入騰越者。以洋布、花紗、火柴、煤油、肥皂、爲大宗。據滇商言。每年洋

僑工類

布與棉紗之價值。當在三千萬盾以外。而中國稅關冊報。告騰越關之輸入。民國十一年度。棉紗不過一百十四萬八千九百餘兩。各色洋布十餘萬兩。火柴一萬六十二兩。煤油四萬七千二百零二兩。肥皂一萬零一百九十兩。核與調查所得。相去甚遠。緬甸陸關冊之報告。亦屬如是。自緬甸海關增加入口稅率外。對於我國生絲及綢緞絲織品。用估價法。值百抽三十盾。以重量計。每磅絲品。約作價在二十五盾至二十二盾。華商不堪其苦。業於去年將加稅情形。呈請設法挽救在案。故自緬甸海關增稅後。我國生絲。由華商輸入者。近年已全數無有。由騰越陸關輸入者。多屬四川黃纜絲。然終不敵洋布棉花。由騰越輸進我國。價值之巨大。至在緬甸與我國綢緞競爭者。在戰前則有德國日本暹羅。戰後各不暇及。競爭者僅一暹羅而已。云。

●日里大批華工返國

日里荷人種植家聯合會。因種植業衰落。將各園合同已滿之華工。遣送回國。搭特毓號輪船。往新嘉坡。華工趁船回國者。約三百人。該船主

僑務聞新

以此次獨無武裝警察護送。恐人多滋事。不肯發載。卒經該會派武裝警察。隨船送往新嘉坡。該華工等。抵新後。再改搭他船返國云。

●緬甸中華工黨分部恢復

緬甸毛禮中華工黨分部。停頓至今。業已數月。近來該分部發起人朱媽福莊重慶等。不忍勞動團體從此淪亡。已再出而重新組織。并已得曾天和曾汝王簡美強李同沂莊成桂等許以助力。且數君皆熱心社會之士。如年來竭力維持該埠之華校。已可想見。今既許以助力。不久將恢復舊觀云。

●南洋樹膠園華工生活概況

樹膠為南洋出產之大宗。吾僑在樹膠園中操作工業者。大不乏人。其中分為割乳、鋤茅、割草、造籬巴、數項之工作。但割乳一項。容人最多。操割乳者。每早四時。即當起身造飯。飯後始往膠園。此時山蚊正多。當棲樹下以咬人。習慣既久者。則不甚覺。若非習慣者。被咬之後。膚常腫而發奇癢。非藥治之。輒數日不愈。割時。手法尤當嫺熟。割過淺。則

流膠甚少。過深則傷及樹肉。而皮生還甚難。即生還亦必凸凹不平。他日再割時。則膠將從凹處流走矣。聞有割爛者。當以紅漆敷之。以助其皮之速生。然終以不割爛為佳。割後乳順流而下。下面承以鉛皮小潤。潤下置一鉛線圈。置杯於圈上。以盛之。乳之多者。可得兩餘。少者則數錢而已。然此既近有病之樹矣。此外無葉無膠。或所流之漿帶黑者。皆屬有病無用之樹。當斬去之。不然栽培之肥料。反被所吸。有碍於別樹之生長也。每人日割一份。即五百條。從首至尾。順序割之。割完後。復回初割之處。此時漿既流盡。乃携桶取之。取時傾杯於桶。有不盡者。可用手指抹之。或用布蘸水洗之。取完後。則携回火較中。稱其重量。後用一兩之匙。撥乳於各人之杯。杯下列有記號。使無錯誤。和以醋。勻之。使凝。凝後將乳提起。用綵油筆照杯底之記號。寫於其上。寫後擲於桶水中。使該油蹟不至發散模糊。再取出用樹乳較薄。置於壁間釘上。使其陰乾。晚用釐稱稱之。即可照其成分而計出其桶中乳量之多寡。兼

可以防沖水之弊。其情形大略如此。至其工價。隨賣膠之價格而增減。前者最高時。每斤曾達四角以上之工資。最近樹膠降價。而其工資。則二角或餘不等。至操作嫻熟者。每日可割五斤餘或六斤之乳云。

教育類

荷屬華僑教育會恢復問題

荷屬教育會。成立於民國六年。自熊理去後。奄奄一息。前年竟壽終於壠埠。今荷屬實行教育條例。政府與華僑。不無隔膜。使無代表全荷屬之教育機關。善為處置。無論為政府方面。為華僑方面。兩覺不便。至巴城雖有巴府教育會。蘇島雖有蘇島教育會。但其範圍僅及一隅。勢力至為薄弱。惟恢復荷屬教育會。方足以代表全屬。壠埠僑人。力量有限。欲圖恢復。惟有請各埠教育界。當仁不讓。同負恢復之責。至荷屬教育之會。章如何修改。會員如何徵集。經費如何籌劃。會址應設何處。以及今後之進行方針如何。凡屬荷屬教育界。如有意見。請儘量發表。投寄三寶壠日報可也。

●緬甸土生華婦興學

▲土生之好模範

勃生埠有魏金桃者。即華土生婦女之發起人而兼會長者。家資頗裕。其父不幸於數年前謝世。彼曾云。育學校。若要附設女校。彼願助五百盾為經費。以華土生婦而能熱心於華僑女子教育殊可風也。

●荷報責居留政府不注重華僑教育

▲此種好意却不敢嘗

荷文蘇門答臘報對於荷屬華僑教育問題。歸咎居留政府不早注意。致令華僑自辦發揚民族主義之華校。當民政長參觀美以美英語學校落成禮時。深怪該校僅授英語。而不授荷語。以華僑父老明知英語較荷語重要。而棉蘭又近英屬海峽植民地。故荷語之勢力有限。該報怪居留政府不注重荷屬華僑教育。致學校絕不教授荷語。拾年後。蘇門答臘東區將有一萬名華僑青年能通英文。至

僑務新聞

於通荷語者至多不過五百名。此實惡劣現象。是否出於減政主義。又英屬華僑在英文報所發表請英政府津貼荷屬英文學校經費之論說。以為居留政府若放棄責任。不肯助華僑教育經費。或無力補助華僑教育經費。自可任英政府施惠。居留政府既懼華人在南洋之政策。何不早日注重華僑教育。坐令華僑自設發揚民族主義之學校云云。

雜事類

●七州府間郵局滙款數額限率之增加

前此海峽殖民由郵局滙款至馬來聯邦各地者。其每一次之最大數額。不得過二百元。現已增加至四百元云。此亦僑商之所宜注意者。

●英屬郵票變更形式

△好收藏郵票者注意

英國及其屬地之郵票顏色。多有變換。聞海峽殖民地之四仙郵票。改為紫色。一角者改作黃色。票面圖樣。則刊波

倫尼城全景。至于各保護地之六仙及十二仙者。則改爲黑與藍色者。

●加影改用郵電地名

▲加影、郵電支局將改名爲岡加、

英屬南洋檳城郵務總局報稱。加影郵電支局。將於一月一日起改名爲岡加 (Kangar) 凡付寄郵件。自一月以後。照書此名。便可分別投遞。至該州原有之 (Perlis) 名。則仍一其舊云。

●南洋名人集傳出世

檳城林博愛君等所編之南洋名人集傳。由檳城新報承印。茲已印就。查閱全書計三百十九編。二百四十四頁。皆係記載僑界有名人物之行略。聞該書非賣品。凡以團體名義函索者。無不寄贈云。

●新幾內亞一部份概況

新幾內亞北部荷蘭利亞荷官阿斐氏現已解職。親到內務部見部長。曾談時道及荷蘭利亞概況。據稱一九二二

年在荷蘭利亞一隅收入黃雀捐二萬盾。連附近各地之黃雀捐。計收入四萬二千盾。一九二三年南場冷澆時。尚收入三萬盾。當地華僑及阿拉伯人拖欠政府稅銀。不下一萬六千盾。其地居民不過二百名。如能留心稅務。富源自闢云。

●美國移民報告

華盛頓通信。美國勞動部移民局宣布一九二三年度外國移民被許入美者。共二二九一九人。外僑離美者。八四五〇人。入美移民中。男子三〇七五二二人。婦女二一五六六七人。離美外僑中。男子五四七五二人。婦女二六六九八八人。一九二三年度內由外國來美入境之人。共一〇二四九六六人。其中外國移民五二二九九九人。非移民之外人一五四八七人。同年度由美國他往之人。共四七一八七人。其中外國移民八一四五〇人。非外國移民一一九二二六六人。又本年六月三十日爲止。以前六個月內。入境外共四四九八三一人。其中移民五一一八七人。非

移一六五二人。同時內出境外人二〇五八八五人。其中移民二六二二一人。非移一七九五七四人。一九二三年度入境外國移民最多者為德人。計六五五四三人。次為墨西哥人。計二六七〇九人。再次為英人六〇五二四人。希伯來四八九七一人。兩意大利人三九二二六六人。蘇格蘭人三八六二七人。斯堪荻那半島人三七六三人。中國人三七八八八人。

荷蘭法學博士法郎麥勒哀思

▲華僑失一良友

近日病故之荷蘭法學博士法郎麥勒氏。(Mr. P.H.F. J. Meers) 生平對於華僑表示善意。嘗著爪哇華僑運動一書。出版於一九一一年。其內容簡括言之。即為吾僑借箸極力運動居留政府平等待遇。博士主張教育法律裁撤地方審判廳。民刑訴訟不分種族界限。悉歸高等審判

僑務新聞

廳審訊。關於華僑法律。具特別眼光。著華僑婚姻制度。博士名著。其有關於華僑者。巴城公報早已譯為巫文。其重譯為華文刊登報端者。亦有數篇。今博士不幸病故。吾僑能不悼歎。茲將爪哇公報所載博士略歷。重譯如下。一八八三年十二月十六日。博士始進荷屬為法官。歷任法庭各職。一九〇三年擢升荷屬大理院法官。當時威英格氏為院長。博士辦事精明。無異壯年。一九〇七年請假。居留政府以缺少法官之故。不許博士請假。一九〇八年又以家務為辭。向居留政府請假。仍不準。遂提出辭呈。解職返國。博士頭腦清晰。造福華僑不淺。為華僑所稱譽。解職而後。非常關心華僑運動。力謀華僑前途之幸福。一九一一年有極有價值之著作名「爪哇華僑運動」。膾炙人口。數載前。重到南洋任職於司法廳。染病返荷。調養本意。病痊即來。今不幸病故。法律界又弱一個華僑。輿論悉動哀思。此後欲得如博士之深悉華僑情形者。殊不易觀。博士芳名。必永留於荷屬東印度羣島云。

●緬甸毒蛇狸獸之數目

(譯西報)

緬甸行政機關之報告。在千九百二十一年中。人民之死於野獸者九十三人。死於毒蛇者千五百六十二人。在千九百二十二年中。毒蛇之被擊斃者。計一萬四千六百三十條。惟此計算不甚精確。因政府在本年。中有發出打蛇之獎金。至前年蛇之擊斃。則一萬七千七百一十二條。

死於猛獸之九十三人中。死於虎口者六十四人。其中在叫漂縣者十五人。在上親敦縣者十人。沙越佛利縣者八人。死於野象者。凡三十人中占十七人。野狗六人。鱷魚四人。豹二人。去年政府發出擊斃猛獸之獎金計九萬三千一百二十五盾。前年之數。則為八萬一千二百二十盾。擊斃之猛獸。計豹二千八百零六。熊一千六百。虎八百二十。野狗三百八十五。豹最多之處。即為瑞帽。計四百二十七頭。次為麻茂。四百一十一頭。虎最多之處。為亞馬士。白六十五頭。次為直塘。九十二頭。熊最多之處。為麻茂。二百三十一隻。次為蜜支那。二百二十九隻。青熊一百十人。在本年內無被熊咬斃之報告。去年被蛇咬斃之報告。最多者沙耶越利縣。計一百八十四人。毛干籠一百六十八人。佛臥一百十三人。永盛一百二十五。勿外一百零一。

博 物

餘 聞

●華盛頓減輕麻雀牌進口稅

△稅率減輕百分之二十。雀牌銷美益將暢旺

上海麻雀牌出口運銷美國者。年來甚多。此間近接舊金山美商會報告。華盛頓稅務處近曾電知該會。麻雀牌在該埠進口者。前納稅日分之四十五。現准減照百分之二十五繳稅。緣麻雀牌之進口稅。前係比照竹器辦理。現則改為比照骨器徵稅云。

附 錄

● 蘭印經濟現狀與限制移民政策

愚

此間自一九二四年一月一日以後，凡新客入口，抽入口稅一百盾，愚欲推論此項限制移民政策之得失，藉以了解今後華人南來有利與否。勢不得不對於本島經濟現狀加以概略的考究。因之發表此篇言論與各界明達一商權之。凡人不避艱險，不惜川資，遠遊異地，尤以遠來赤道下之爪哇，十之七八，是在裕其生計。詎如今之爪哇出產人口、建築及設備等均較歐戰以前大有過之。而謀生之道，適與前數者成反比例。試觀近兩年來，尤以近半年內，宣告破產者，無形倒閉者，將近歇業者，及難於支持者，幾乎日有所聞，時有所見，而不可以數計。因之失業者衆，尤覺駭人聽聞。考出產豐，人口多，建築及設備完善，皆增

加富源之要素。乃反形成悲觀。有如今日者，其大概原因，不難探究而出。此中原因既明，則爪哇將來之趨勢，可推而知。趨勢既明，則政府抽入口稅百盾以限制移民之政策如何，可以概見。今後欲南來謀生之華人，對此限制政策，究應如何看想。吾人亦不難代為解說。今先說明爪哇近來出產豐，人口多，建築及設備完善，反不能增加富源之故。繼復推論居留政府限制移民之政策如何，及今後華人南來有利與否。

自一九一九年歐洲在戰後物質上之需要，特別增加。物價亦特別增高。爪哇的出產量，因之亦特別增加。嗣後歐洲經濟日益困難，需要日益減少。爪哇出產量，多未隨而減少，以致失敗。其失敗之門徑，可分爲二：一爲出口量銳減，一爲出口量雖增高，而價值大爲低落。茲將重要產品出口量銳減之情形，分述如下：一、椰子出口量，在一九一九年爲三十萬餘噸，在一九二〇年爲十八萬餘噸，猝然減少五分之二。椰油出口量，在一九一九與一九二〇

年爲八萬餘噸，在一九二一年爲四萬餘噸。在一九二二年竟至全然不能出口。故諫義里一帶之大椰油廠均相繼歇業。咖啡出口量在一九一九年爲十二萬餘噸。在一九二〇年爲六萬餘噸。在一九二一年爲四萬餘噸。似此出口量猝然減少半數以上。金融上所受打擊之重。可想而知。茶之出口量在一九一九年爲五萬餘噸。一九二〇年降至四萬餘噸。一九二一年降至三萬餘噸。故至一九二二年有茶園十一處相繼歇業。煙草出口量在一九一九年將近七萬噸。在一九二〇年降至四萬餘噸。一九二一年降至二萬餘噸。生產量因之亦大爲減少。再將出口量增多。其價值低落之產品分述如下：白糖在一九二一年之出口量雖較一九二〇年多十六萬餘噸。然二一年所得之價較二〇年減少六億三千四百餘萬盾。近兩年內產量與出口量雖略有增加。而市價浮動。金融滯塞。資本在二三百萬以下之糖商。多相繼倒閉。考歐洲金融。近來日見拮据。萊蕪糖產量連年增多。爪哇糖輸往歐洲。必成

銳減之勢。古巴與斐律濱糖已能供給美洲而有餘。今後爪哇糖之銷場。十之七八。在于亞洲。人口生活低廉。欲糖價特別增高。殊屬難能。再者糖廠聯合公司把持糖價。各出口商欲從入手方面博得厚利。亦屬難能。樹膠分爲黑膠及兩種。白膠皮近年出口量雖略有增加。然黑膠皮在一九一九年爲三萬餘噸。二〇年爲一萬餘噸。二一年爲二萬餘噸。且兩種膠皮之價。在兩年前爲五六十盾。乃至七八十盾。近則降至二三十盾。此外木棉、牛皮、木材、珍珠、錫油等物。或則滯銷。或則跌價。此卽爪哇近來出口貨之概況及其趨勢。如上所述。近年來。蘭印生產量雖繼續增高。祇以出口量不能與之成正比。或滯銷。或跌價。故出產雖豐。不惟不能增加富源。反足阻窒金融之流通。再就人口而論。自一九一〇年。五年以迄於今。在爪哇島以內。歐洲僑民增多百分之七十有奇。亞洲僑民增多百分之二十五。土人增多百分之十三。合計增多百分之十三有半。在爪哇島以外之荷屬各島。歐亞

各國僑民及土人共計增多百分之二十七有奇。就一九一八年之統計。蘭印共有人口四千七百餘萬。爪島以內。平均每平方啓羅米達住有二百五十九人。爪島以外之荷屬各島。平均每平方啓羅米達不過十餘人。以擁有豐富天產之蘭印。既足以引起富有科學知識之歐人前來經營與設施。復足以招致富有勤性之華人前來墾植與販賣。人力隨土產而并進。歐戰前後。蘭印富厚達于極度。其重大原因實在於此。惟其富厚達於極度。在私人方面。乃有種種過分之糜費。在政府方面。則有種種偉大之建設。茲先說明私人方面之糜費。——近數年內之進口。其為必需品。固屬不少。而用於特別消耗方面。則多。數。一九一九年出口貨特別加多。一般人民均感富裕。購買量特別增加。故一九二〇年之進口量。較多於二一與二二年。至二三年進口貨尤為減少。各色汽水在二〇年占七百餘萬盾。二一年占二百餘萬盾。二二年占三百餘萬。各種磁器。近三年內。每年均約占二百萬盾。玻璃器在

二〇與二二年年均占百餘萬盾。二一年占三百餘萬盾。平板玻璃在二〇年占二百餘萬盾。二一年占一百餘萬盾。摩托車在二〇年購入六千餘輛。費去五百五十餘萬。二一年購入五千餘輛。費去四百餘萬。二二年購入三千餘輛。費去二百餘萬。自動車在近三年內。每年購入二三萬輛。至若酒食之屬。金銀鑽石等裝飾品。耗費之數。近數年內。更不下數百萬。私人方面糜費之大。由此可見一斑。至若政府方面。因有種種建築設備。其歲出之額。逐年增加。在一九一三年。通常支出為一億六千六百六十萬盾。特別支出為三千九百二十萬盾。迨至一九一八年。通常支出增至二億七千五百萬。特別支出增至六千四百五十萬。近來因支出之額。驟難減少。乃又有發行債券二千五百萬美金之事。一九二五年之預算。不敷之數。為三千萬盾。考歲出逐年增加之原。在通常費方面。有如下列幾種。爪哇以外荷屬各處行政上之設備。行政上職權之劃分。司法警察及監獄制度。逐漸改進。償還東印度新債之

本息。教育經費之擴充。公共衛生之設備。農業畜牧漁業及工商之革新。大規模之建築。水利及海陸交通之改進。水力發電與普通電火之設備與分配。因有上述種種。職官與經費相沿增加。又因生活程度增高。應于各別情況。薪水與旅費亦從而增加。特別支出近年來大為增加之原因如下。政府管理之公營 *Parastatal* 與鹽田。在歐戰前後。每年支出二三百萬乃至六七百萬。金與錫煤等礦之開掘費。樹乳園之墾植費。在歐戰前後。每年支出亦有二三百萬乃至五六百萬。在實業方面。郵電之類逐年設備費二三百萬乃至四五百萬。鐵路公路與長途汽車等逐年設備費。均在二三千萬左右。私人的園坵購為公有。在壹九一八年。支出約九百萬。防疫機關之設備。在一九一六年以後。每年支出約壹二百萬。水利事業逐年支出二三百萬。海口與公路之建築。在歐戰前後。每年支出由七八百萬乃至壹千二三百萬。運輸事業。每年支出由八九萬乃至二三十萬。政府方面之通常與特別支出。逐年

增加之概況及其增助之原因。如上所述。歲出增多則歲入不得不隨而增加。政府之歲入。即人民之負擔。歲入愈多。即人民負擔愈重。歲出之概況既明。歲入之概況又不可不知。政府之歲入。即人民之負擔。前已言之。欲知此地人民負擔之輕重。不可不察居留政府之歲入。其歲入分為直接稅與間接稅兩種。直接稅又分為下列幾項：——

(一) 私有財產稅。此在一九一三年所得不過一百五十餘萬。至一九壹八年則增至二百餘萬。(二) 所得稅。此在一九壹四年所得猶不足一千萬。至壹九壹八年則增至近兩千萬。(三) 戰時特別獲利稅 *War Profits Tax*。即通稱之戰稅。此係因歐戰時。蘭印人民直接或間接增加所得或利益乃從而徵稅。惟此稅則。制定于歐戰終結時期。而追徵于歐戰發動時期。猝令人民補納意外之鉅額戰稅。又適值出口貨猝然銳減之際。近年來倒閉或難于支持之商家。失業或深感困難之勞動者。比比皆是。概由於此。此項收入。固屬不少。祇以人民無力按時完納。故

至今猶不便統計。其在壹九壹八年僅徵得四百七十餘萬。(四)土地面積稅。此在歐戰前後每年所得約在三百萬內外。近年猶然。(五)蘭印土人及生長此地之東方僑生營業所得稅。此項收入自壹九壹三年以至於今。每年所得少則壹千萬。多則一千六百萬。(六)鄉郊田畝稅。此項收入。每年均在二千至二百萬。(七)代役稅。遇有公共建築必須大興土木者。或親身執役或納稅免役。此代役稅每年可得四五百萬乃至壹千萬。

間接稅則分爲下列幾項——

(一)進口與出口稅。進口稅在歐戰前後。每年均有二千四五百萬。出口稅每年約爲二三百萬。此項稅則。係按進出口貨值百抽六乃至值百抽十二。至壹九壹九年進出口貨激增。則此項稅款之激增可想而知。(二)特產稅。此稅係向製造煙酒火柴煤油者徵收。每年可得一千一二百萬。(三)印花稅。此項收入每年約二三百萬。(四)財產轉移稅。凡房屋或船舶變換主人則按價值抽百分之五。此

項收入。年約一二百萬。(五)亡者財產繼承稅。此項收入。近來每年四五十萬。(六)屠宰稅。此項收入。每年約二三百萬。觀上列政府之歲入。乃知蘭印人民對公家負擔之重。加以年來出口貨之猝然滯銷或跌價及進口之消耗品特別增多。蘭印經濟現狀之大概。可得而知矣。考出口貨之滯銷。或跌價。其原動力。大半在於海外各國之經濟狀況。經濟狀況之良否。其原動力又多關於國際上相互採用之政策如何。至若進口之消耗品增加。則不得不歸咎於壹般人民少節約性。道德之制裁力缺乏。使私人負擔加重。若夫公家爲種種建築與設備。徵稅繁重。致人民多無力負擔。似於保持平衡之道。殊欠考慮。今先說明近年來出口貨滯銷或跌價之原因。蘭印出口貨分銷於歐洲與東方各國。歐洲因戰時百業停頓。戰務需要驟增。乃必然之勢。至一九二〇年以後。需要漸減。金融亦漸滯。蘭印土產銷於歐洲者。數量降低。又爲必然之勢。至壹九二二年。歐洲工業漸有起色。觀其煤鐵等產量之比較。可

以知之。英法德比等國。在一九二壹年每月產煤量爲六千六百四十七萬六千噸。至一九二二年九月已增至八千二百十九萬六千噸。其在壹九二一年。每月產鐵爲一百。五萬五千噸。至壹九二二年九月即增至三百二十八萬壹千噸。歐洲工業漸有轉機。世界商業當亦隨之漸有起色。乃於此時希土血戰。近東局勢爲之混亂。希土之戰禍甫終。德法之糾紛繼起。今年之內。德國工業業務交通相率停頓。至近日始稍稍恢復。英法荷等國勞工同盟罷工者。往往有之。歐洲實業凋敝。於此可見。望。蘭印土產滯銷於歐洲者。以此。至若遠東各國銷納。蘭印土產之數量銳減。亦各有其特殊之原因。中國武人割據。南北相持。戰禍匪患。遍及國中。壹般人民貧苦不堪。購買力安得不減。日本以工商立國。其貨品大都推銷於中國與南洋。然中國亂而南洋百貨滯銷。日本之貨品滯銷。購買力又不得不減。暹羅緬甸及英屬印度。生活程度較低于歐洲。每欲購買。而苦於貨價過昂。購買量乃因之而減。海峽

殖民地及馬來聯邦。概以樹膠爲根本業務。乃近年來。樹膠價格幾乎減少三分之二。且復異常滯銷。其購買量亦不得不減。此蘭印土產滯銷於東方之原因。今後蘭印出口貨量之增減。仍不外視東西各國之經濟狀況如何。即間接上視其維繫之政策如何。然欲於最近之將來。使出口貨量回復壹九壹九年之地位。乃萬不可能之勢。出口貨之滯銷或跌價。即人民之收入減少或失敗。在蘭印之各族人民。於歐戰前後。因出口貨暢銷與漲價。收入陡豐。養成奢蕪之習。一九二〇年以後。收入銳減。而習慣難移。兼之對公家之負擔特重。收入與支出。相差甚遠。於是中產以下之家。愿者流於貧困。無力償債。業者希圖非分。作種種投機徼倖事業。致市面上之金融。常呈危險與混亂之象。銀行界悚於虧累之可懼。苟非遇有根基穩固之大資本家。種植繁衍之大園主。不肯輕易放盤。惟其銀根加緊。市面上周轉更覺不靈。愚劇所謂宣告破產者。無形倒閉者。將近歇業者。及難於支持者。乃相繼而起。倒壹公司。

失業者則增多數十名。倒壹商店。失業者亦不下拾餘名。商場局勢既如此惡劣。一般土人特售土產以爲活動者。從而收入銳減。既無以贍家計。復難以完公稅。近聞鄉民以較爲貴重之物品押於公當舖者。到期多無力取回。以天產特富之蘭印。而有此困迫之象。非怪事。然就前述種種逐一考慮。便知困迫之來。勢所必至。毫無足怪。所幸蘭印既有特富之天產。兼之歐戰前後。居留政府乘庫藏充實之際。對於交通、水利、農林、銀行等等。凡足以促實業發展者。皆已設施完善。即所以促成富裕之天工。與人力俱臻上乘。人民有此雄厚之富源。今後一方面迎合世界潮流之趨勢。而爲適當之生產。一方面懷於前此浪費之非是。而力圖撙節。一方面鑒於投機徼倖之虛險。而力崇商德。以最經濟之行爲。處最發展之環境。積以數年。自不難回復美滿之現象。由前之說。蘭印已處困迫之境。而呈悲觀之象。由後之說。蘭印將必由困迫之境。進入富裕之域。或者曰。居留政府徵稅繁重。致人民無力負擔。欲

使此地進爲富裕。實非易。余應之曰。前者政府之種種建築設備。原爲人民增加富源。今建設將近完備。此後用途銳銷。取於民者亦必隨之大爲減輕。且人民近來困苦之象。政府決不至充耳弗聞。行將改訂稅則。以蘇民困。自屬意中事。要之以保持平衡之道治家而家事治。以保持平衡之道治國而國事治。近年來蘭印受困迫之打擊。正所以促政府與人民懷懷然於平衡之道。不可或忽也。蘭印經濟現狀之大概。既已分別敘述。今試推論居留政府限制移民之政策如何。及今後華人南來有利與否。考任何地域對於外來人民。表示歡迎。當不外下列幾種原則。有待拓植之曠土。有待發展之工業。有待建築之道路。或海口。則歡迎勞工。有待輸出之土產。有待輸入之外貨。有待販賣經營或發展者。則歡迎商人。今按此原則。略爲推論。便知對於外來人民可否限制。及今後華人應否南來。自一九〇五年至一九一九年爲蘭印實業極力振興時期。人口增加之量。合歐亞僑民及土人。在此期間。共計增

多百分之十三有半。前已言之。爾時曠土有待拓植。工業有待發展。道路與海口等有待建築。貨物有待銷售。故不患人口增加。自一九二〇年以迄於今。未始無待拓植之曠土。惟人多感失業之苦。土產壅滯銷之患。已闢之園猶有轉就荒蕪者。未始無待發展之工業。惟已有大規模之糖廠煤油廠及椰油廠。或則宣告倒閉。或則縮小範圍。未始無待建築之道路或海口。惟年來政府之預算不敷甚鉅。減政方不暇。安能多所建設。本此數種理由。本地勞工多有等待赴新幾內亞墾殖者。海外勞工。即令政府不取限制政策。來又何利。由是可見因有限制政策。海外勞工既可免波濤顛簸之苦。復可免到岸後困迫之象。且可省無益之旅費。海外勞工誠不必來。商人則又如何。年來資本在二三百萬以下之公店司或商。因土產滯銷。市價浮動。金融滯塞。以致相繼倒閉者多。前已言之。傭工于商店或公司之人。其失業者實與倒閉之數成正比。即倒閉愈多。失業者愈衆。工人失業猶可開一地。闢一坵。依托天然產品以自食。惟充書記或司買賣之商人。處此商業範圍縮小之際。一旦失業。非遷居異地。殊難覓棲身之所。原在此地之商人。其對於本地之商情、風俗、習慣、語言等等均已通曉。猶多感失業之苦。有離境之勢。新來之客對於上述種種。概屬隔膜。謀事更難。可想而知。由是可見欲來此地充書記或司買賣之商人。因有限制政策。正可不來。至若大資本家大企業家。雖入口稅加重至五百盾或千盾亦覺無妨。當此土產滯銷。金融阻塞之際。此類之人。正蘭印之所歡迎。所謂限制政策。即一般勞工與書記之流。感於入口稅百盾之苦。裹足不來。換言之。即此類之人爲此政策所限制也。南來充勞工與書記者。實以華人爲最多。近來吾僑整裝歸國者。欲歸不能者。日益加多。已來者既然如此。未來者正可藉冒險南來之精神。努力奮鬥於國內。十餘年來。吾國軍閥盤據。土匪充斥。實由一般善良者避居異地。無與惡魔奮鬥之精神之所養成。今國勢日益衰危。吾人安可不抖擻精神。力圖挽救。猶冀南來謀不可必

得之富家翁耶。

●澳洲之移民計畫

(靜觀)

吾粵鄉人對於外洋地理多不明瞭。故往往混稱外洋爲金山州府。幾以「金山」爲美國之代表名詞。而含有豔羨之意味。對於南美各國南洋各埠。則以州府二字爲其代表名詞。不甚重視之。自有往澳洲者。謀生亦易。僑況頗佳。遂羣呼之爲新金山。不啻以新金山三字爲澳洲全部之代表名詞矣。夫澳洲爲新開闢之殖民地。面積有一九四七五八一方英里。人口祇有五百餘萬。地廣人稀。當然可容納多數殖民。近年以來。中日兩國人民接踵而赴者日衆。澳政府遂有限制黃人入口之條例。然條例之嚴苛。決不如美國。論其地謀生之範圍。尙不如美國之狹小。來往川資及各種費用。較之來美國。節省甚多。然則吾鄉人之專集視線於美國者。正不妨放其眼光於澳洲矣。

澳洲隸屬於英國。自一九零一年五月一日始開國會。此可謂爲立國之始。迄今二十二載。經濟上文化上之進步。

大有一日千里之勢。惟以地廣人稀之故。發展之量。不能如其所期。當昔年歐戰之際。曾輸送軍隊三十萬人。助英作戰。戰死約六萬人。故人口愈感缺乏。去年英國會感澳洲移民之必要。曾於四月間通過帝國移民條例。即以移民於澳洲爲主旨。至於澳政府方面。對於移民問題。亦進行甚急。決計開放全洲空地。容納外來人民。其計畫頗有可論述之價值。茲分四大區域紀之如下。(一)西澳。當英帝國移民條例通過時。西澳洲總理米楷耳適在倫敦。乘機代表西澳洲及澳洲共和國與英政府訂一試辦契約。規定凡由英國移居西澳洲之人。概減收船費。其始從事耕作。按名給予工資。於一定期限後。乃免費分給土地。至多一百六十畝。克並墊借現款一宗。自七百磅至八百磅。由專家指導。發展田土。此款分三十年攤還。據西澳政府之意。擬年納移民二萬五千人。(二)南澳。南澳洲總理亨利巴威爾氏。去年會至英倫。締結移殖少年勞工之約。第一批少年二百人。於六月間運至南澳。之愛台來特埠。即

分配於各處農地。未幾該州政府宣佈將滿雷河一帶開放。可灌溉之地四萬畝。以供退伍軍人之開墾。現聞已依此計畫實行矣。(三)域多利亞。該州政府與澳洲共和國政府。於去年冬間締結合同。輸入移民一萬人於該州。開闢荒地。第一批輸入二千人。由共和國政府。貸與三百萬鎊作經費。依移民之增加。最後貸至六百萬鎊為限。至移民之運費。按照帝國移民條例。由英政府與澳政府分任之。現聞該州一部分最肥沃之地已開放矣。(四)新南威爾斯。該州在工黨政府管理之下。已歷多年。向不主張外來移民。去年杜來氏之內閣倒。富勒氏之國民黨政府繼任。州議會遂於十一月間通過一移民計畫案。準備輸入移民六千人。用六百萬鎊為其經費。富勒氏嘗誇稱此為從來任何政府所企圖之最大移民計畫云。上述各項計劃。現已次第實行。其中最注意於農業之發展。將來生產額增加無已。供給原料於英倫。與英國工業以莫大之助力。可無待言。嗚呼。吾觀英人移民之計劃。如此其偉且

大。返視吾國蒙藏新疆各區域。赤地相望。不知其幾千里。而政府與國會。日惟戮力於內訌。會無暇一計及生民之疾苦。土地之荒蕪。而思所以經營之者。可慨也。夫。可慨也夫。

●南僑婦女在家庭中的地位

趙慎一

婦女運動。在歐美各國已成爲歷史上的陳跡。而在我素來守舊的中國。也居然從輿論而達到實際了。我記得去年上海絲廠裏的工人（沒有受過教育的工人）也知道起來大呼男女平等。要求同工同酬。寔行婦女勞動的運動。但是南僑婦女。還是死氣沉沉。無聲息地幽閉在家庭的小天地裏。過那寄生生活。他們受了這種待遇。非但沒有絲毫的覺悟。反以爲是福氣。人人去尋求這種非人生活。因爲他們的人生目的無非是金鋼鑽。所以他們只要有金鋼鑽。帶着錢賭博。不要做事就以爲是無上的福氣了。唉。拿這種非人的生活爲滿足。真是可憐得很呀。

我現在將南僑婦女界的現狀分三時代寫在下面（一）幼年時代。我中國的女子非但為社會所輕視。就是至親至愛的父母亦另眼視之。甚而至於沒有兒子的人。情願拿自己的女兒去換人家的兒子來養。南僑對於這一層却很少。大半做父母的對於子女不分彼此。這實可說是南僑婦女幼年時代的幸福。不過這種幸福并不是父母對於子女有真的覺悟。仍舊是出於自私自利心。因為南僑的女子出嫁了。往往還能奉養母親。做母親的要想得女兒的奉養。所以幼年時也視同仁。不過這僅指養的一方面而言。至於（教）字簡直說不到。去年我記得有一個僑婦對我說。先生你看我這個女兒這樣大了。（約十九歲左右。）臉上的粉。還要我天天叫他搽才搽。從小習慣將來出去不是要給人家批評嗎。我想這幾句話。或者可以代表南僑幼女時代所受到的家庭教育了。而且南僑的婦女大都吃飯不做事的。雖是親生的女兒。也不願撫養他。往往借手土人自己毫不過問。因此就受土人

的同化。並且為人僕婦的土人不用說當然是最下等的。南僑的子女幼年即受了這種人的同化。結果是不堪問的了。（二）青年時代。（甲）入校的。（乙）不入校的。甲入校的。他們的入校完全是無目的。不要說本人是無目的。就是叫他們入學的家長也是無目的的。推測他們所以叫女兒入校的心理有三種。一種是借此可以高抬身價。將來可以嫁一個好女婿。靠他養老。一種是看見人家的女兒到學校裏去。那末我也照樣做做。還有一種因為女兒在家沒事做。討厭他吵鬧。就推他進學校。根據這三種心理。使女兒入校他的動機已是不正當了。所以往往把讀書看作隨意的事。以至時常曠課。亦所不問。一到年紀稍大。就令停止入校。我從前聽得一個朋友說。南僑的女校生讀書的目的。只要等出嫁的時候。在婚書上能够簽一個名字就好了。這句話雖然說得太苛刻一點。不過我們要想探求他們入人的目的。簡是直探求不出的。乙不入校的。還是守着那男女受授不親的舊道

德。終日不出門。除了助理家事外。一無所事。所談的。無非是某人金鋼鑽。某人家錢多。所以他們的腦袋裏。無非是金鋼鑽和金錢。除了這兩種以外。簡直腦袋裏是空的。總而言之。入校的不入校的。都是養成寄生生活的豫備者。還有一事。也是很關重要的。就是結婚。他們的婚姻權。不用說。都是操在父母手中。女兒自身是不能過問的。父母選婚無非以金錢多少做標準的。至於性情學問。是不問的。(三)壯年時代。南僑婦女出嫁之後。都握一有部份的經濟權。一方面或者可說較國內婦女幸福。大然而一方面或者可說助長他們的墮落。因為他們因握了一部份的經濟權。就可以賣裝飾品。同賭博了。還有一樣可笑的事情。就是他們的吃東西。我曾經到過幾家僑婦人家。看見他們一天到晚。幾乎嘴裏沒有一刻空。所以一個一個。大都是吃得走路也走不動。除吃東西外。還有搽粉。也要消去他們一部份的光陰。社會上的活動。固然說不到。就是一庭裡的事。大都也不去整理。這一種惰性。實在無

可形容。只好說一句是受了土人的同化罷了。總之。我國的婦女已經一度受男子的戕賊。而南僑婦女。又染一層土人的惰性。所以沒有先覺者。喚醒他們。開導他們。要他們自覺自悟。我想十百年後。還是做不到的。但是喚醒他們。開導他們。不是幾張報紙。幾本婦女雜誌。所能為力的。必須一般先知先覺的婦女。犧牲一點宣傳的事業。我以為唯一的方法。又不能不說到設立婦女補習學校。但是肩這個責任的。惟有我們從事於南僑教育的姊妹們了。

● 檢查冰淇淋法

食淋淇淋患病者頗多。應檢查各冰淇淋。是否皆合定則。據傳製冰淇淋之時。其桶溫度須在二百六十度以上。然後始可放牛乳。再以一百八十度以上之熱消毒。則一生的米度內含巴陰基僅四千匹耳。已無毒物。現普通之冰淇淋分析結果。一生的米度內尚含有巴陰基在一萬六千匹以上。飲之有害。應嚴行取締也。南洋熱帶中人宜注意之。

常 識

告 廣 送 小 種 甲
月 個 一 登 送 行 先 貨 國 紹 介

意 注 人 商

The Sunlight & Co. of Shanghai
CHINESE PRODUCTS EXPORTING
Haining Road, 269 Cheong
Yuen Lo.
SHANGHAI, CHINA.

探辦國貨唯一
關者本行專辦
蘇杭各省糧食
著名國貨出口
價從公道招徠
打從國貨送外
速諸君光顧請
款即寄貨樣目錄
上海行陽光貨出
甲上海海寧路長源
甲二六二號

此地位每半面六格每月三期每格收廣告費一元五角如占用兩格減費一角以二格為限

中國之新商業

近來我國人士愛玩郵票者日多一日良以趣味濃厚增識益智倍勝其他消遣品也而華僑諸君欲集祖國郵票者尤殷惟向各外國購買不亞于利權外溢今本社代辦中國紀念郵票將中國紀念郵票略列數套於後

宣統紀念票三枚三角郵政紀念
四枚二角五分同上
四枚三元法法紀念郵票每枚三角
同上(新郵用)四枚六角郵票收
用票三枚三角民國郵票每枚三角
三元止)七枚一元七角郵票每枚
印票二元止)二十枚七角郵票每枚
(五元票)一枚二元九角郵票每枚
(三元止)十九枚四元九角郵票每枚
均係洋計算賜款由郵局或由郵政
用美國香港爪哇小呂宋新加坡
等處票亦可如寄下南洋各埠
郵票五百枚(不論種類)可換此
界大小各國郵票二百枚
廣告等下當奉各圖票十種
會勿失來信請掛號章程目錄函
索即寄

International Stamp Co. Soochow, China

▲中國蘇州蔡河頭蘇州郵票社啓

介紹國貨先送廣發
 小行先送廣發
 告個一
 月

此地位每半面八格每格每月(三期)收廣告費一元二角如占兩格減費一角以二格為限

喝酒的人請常備着

康成酒廠

花菓露酒

牌

本廠並經理無敵

香檳啤酒

批發所

上海法租界
 大馬路中市

報費		郵費	
國幣及郵票	壹角	國內	六角
美金	一元七角	國外	一元六角
荷蘭	二元	美國	一元
新加坡	二元	荷屬	一元
菲律賓	二元	新紙	一元
日本	二元	菲幣	一元
日本	二元	日金	一元
全年	三元	全年	三元

統計全年報郵費

國內幣三元二角
 國外幣三元五角
 美金三元
 荷幣八盾
 叻幣六元
 彬銀六元
 日金五元

凡以外幣照表繳納者。可用保險信寄下。或交外地郵局。以國際匯兌滙來均可。因小數不便計算。起碼須訂半年。恕不零售。索取樣本。國內取郵票十一分。國外免費。

本社社址北京宣武門內頭髮胡同廿七號英文寫法載在論說上方

板權所有

中華民國十三年一月二十一日發行
 總編輯 馮衡陽
 發行部 馮衡陽
 印刷部 馮衡陽

敬送寶書

敝社編印之格言叢輯係搜集古今中外聖賢英哲數千人之嘉言懿行彙輯成帙出版以來迭承各界歡迎閱者均目為救世之寶書指迷之金鑑現已出至第十七集每集皆有各長官各團體各偉人之親筆題字題發尤覺有聲有色原價每集大洋一角六分茲值第十七集出版之始特行贈送每集祇收回紙本費洋八分(外埠函索郵票通用凡索一集請寄中國郵票八分如索十七集請寄港幣一元三角六分或用中國郵票一百三十六分代之亦可寄費在內)欲修養身心明辨是非者不可不閱此書欲得良好子弟及良好家庭者亦不可不閱此書欲效法數千聖賢之嘉言良謨更不可不閱此書也(現在初集起至十六集止均已再版且每集各異如能購齊十七集置諸案頭時時翻閱終身獲益不盡)

上海北山西路德安里格言叢輯社啓

▲華僑索閱每十七集荷紙二盾半叻越非暹幣各二元美金一元可以當地紙幣掛號保險寄下敝社收到後亦即將書掛號奉上以免遺失其所以收費稍多者係因郵費過昂故也乞加諒察

凡患大便
秘結者最
易感受風
寒療治之
法服用清
導丸可也

冬令數月天氣嚴寒欲免
傷風感冒之患必先使
大便暢適有序為首要也
欲求療治便閉之患莫妙
乎服用清導丸因是丸功
力和平出自天然能令肝
經和平腸胃有序且免肝
火上升肝經失調膽汁不
和頭暈目眩等恙能使口
氣清爽皮膚光潔也

服用清導丸



此係北
京小孩
因患蛔
蟲痛苦
瘦弱之
症

服用嬰孩自己藥片殺
蟲得獲全愈

閣下如欲小孩康壯肥美活潑伶俐必
需將其蛔蟲殺除方中有效即如北京
南苑陸軍第十一師副官張海峯先
生之令郎是也張君來函云鄙人小兒
病源食後肚痛每飯微減以致面色
黃自購服貴局藥片竟將腹內蛔蟲打
下數十條條自此肚痛亦止飲食亦漸
加增顏色恢復原誠係貴局藥片之力真
乃天下馳名第一神效之靈藥也



嬰孩自己藥片係康士醫
生為小兒及嬰孩特製之靈
藥專治嬰兒胃弱不化便閉
肚痛腹瀉嘔吐傷風痰嗽出
牙各症能使小兒得天然康
樂之安睡如曾慮無從購買
嬰孩自己藥片祈即寄郵票
大洋六角至上海江西路六
十號康士醫生藥局原班
郵奉一瓶可也

江西上饒清江府信豐縣
州同紅十字會發起人常患痔
疾發大便秘結之症連服紅
色清導丸數瓶頓見功效室
人亦常患胃痛經水不調連
服紅色清導丸數瓶得獲痊癒
心其感佩是以函兩神謝並
請登錄報章以廣廣告証書
不勝幸甚清導丸凡經售西
藥者均有出售或直寄郵票
大洋六角至上海江西路六
十號康士醫生藥局原班
郵奉一瓶可也郵力在內每
六瓶大洋三元